

晚晴籀詩匯



晚晴簃詩匯卷一百七十二目錄

宗室盛昱 七首

楊文瑩 五首

楊晨 四首

王仁堪 六首

毓俊 二首

顧印愚 九首

吳受福 三首

郭曾炘 五十七首

于式枚 十九首

徐琪 四首

何乃瑩 五首

朱福詵 五首

王懿榮 二首

左紹佐 五首

安維峻 三首

王頌蔚 九首

王蘭 一首

龐鴻書 四首

黃紹箕 十五首

王詠霓 二首

鄧嘉純 三首

袁鵬圖 一首

毛徵 二十四首

顧蓮 一首

楊依斗 一首

晚晴籀詩匯卷一百七十二

徐世昌

宗室盛昱字伯義肅武親王豪格六世孫光緒丁丑進

士改庶吉士授編修歷官祭酒有鬱華閣集

詩話伯義博極羣書尤練習掌故徐梧生嘗云每聆伯義談朝章國憲下逮一名一物之細咸能詳其因革以推見治亂之跡當世殆無其匹居官十餘年論資當致通顯乃以直言取忌謝病家居築意園自娛又十年乃卒著有八旗交經多有關掌故身後遺藁散佚即詩集所存亦僅十之三四耳

題所得黃小松歷下日記册子

平生五嶽志跼跡一隅內西履屨題顛東至田盤背縱橫
四百里牛轉螳附磴最錄天下碑一一識所在脫鞵事幽
訪寰宇先嵩岱黃翁歷下記真跡雜圖繪今年落吾手做
帚百朋貴乘輶來此邦得兆若靈蔡泰山不北移黃河忽

南邁落落山水緣坐合俊觀隘明湖晚揩鏡鵲華秋擁黛
譬彼人士佳不在聲名大願爲十日留芒鞋易冠蓋千佛
手拓新萬紙歸裝載斥鷃笑鷓鴣天地本一芥

題廉孝廉小萬柳堂圖同鳳孫作

北人入中土始自黃炎戰營衛無常處行國俗未變涓維
王故地不同不窳窳長城絕來往啞啞南北雁耕牧風俗
殊壤地咫尺判李唐一代賢代北殷士裸遼金干戈興島
索主奴怨真人鐵木真一怒九州奠畏吾廉孟子秀出中
州彥煙波萬柳堂裙屐新荷讌詩書澤最長胡越形無間
色目多賢才耦俱散州縣汴上石田集淮南廷心傳終憐
右榜人不敵怯薛健臺閣無仁賢天下遂畔亂沙頓亦名
家淒涼歸舊院文正孔子戒哲人有先見至今食舊德士

族江南冠孝廉尤絕特翩翩富文翰薄宦住京師故國喬
木戀堂移柳尙存樵悴草橋畔當年歌驟雨今日車飛電
繪圖屬我題鋪卷淚凝霰我朝起東方出震日方旦同此
神州民昏姻柯葉徧小哉洪南安強分滿蒙漢闖闖生齒
滋農獵本業斷計臣折扣餘一兵錢一串飲泣持還家當
差贖弓箭乞食不宿飽敝衣那蔽骭壯夫猶可說市門嬌
女歎奴才恣揮霍一筵金大萬從龍百戰餘幽繫同此難
異學旣公言邪會眞隱患興凱入彼界鐵軌松花岸北歸
與南渡故事皆虛願聖人方在御草茅誰大諫起我黃帝
胄毆彼白種賤大破旗民界謀生皆任便能使手足寬轉
可頭目捍易世不敢言當時亦清晏武肅墳上松百畝垂
條幹萬柳補成陰春城綠一片載酒詩人游嘉樹兩家擅

捉御史

車如雞栖馬如狗繡衣使者蹠跚走車如流水馬如龍四
姓小侯行鬪風黃塵薄日長安路玉勒珊鞭競馳騫騶唱
之儀不聽前紛紛旗校影纓怒亂箠搥馬馬橫觸進退倉
皇真擊轂旋抽左右又參差我未斷鞅君脫輻大璫喊怒
全來前一僮一僕繫送官觸忤粉侯罪當死又向車中捉
御史御史觥觥立殿中南臺況復稱端公翁主猶須避赤
棒貴游孰敢干青驄千步清道九華蓋王公皆當頓軛待
奈何翻欲截角來憑藉張皇毋乃太聖明四海方照臨強
宗乃爾相凌侵朝廷不惜赫赫法御史偏有休休心揮鼠
輩竄等閒耳細事何須告天子旁觀父老亦咨嗟還是大
臣知大體峩冠怒馬猶斷斷暫從亭長赦憲臣亭長叩頭

還告語今朝姑縱御史去

九日與杏儕登塔岡

象教已無力巍然塔尙存登高酬令節落日滿荒原未藉
扶筇健無妨坐石溫江村老博士相對澹忘言

失題

欲遣天驕識漢官詞臣仗節亦登壇頗聞塞上收千落已
信軍中有一韓從古河源歸部下同時人望惜朝端聖明
恩德遐方被莫便氏羌一例看

近日秋聲不可聞岐亭難制淚紛紛中朝誰決澶淵策諸
將仍屯灞上軍一障何時能畀我九邊今日或須君玉河
衰柳休攀折留著長條縮夕曛

和鳳孫韻兼呈雲門同年並寄鑑堂督部

長安塵土馬如飛兀坐敲詩我輩稀幸有文章通性命不
緣離亂得因依排除黨論粗聞道報答君恩祇有歸間架
未興人稅緩帆益松火樂柴扉

楊文瑩字雪漁錢塘人光緒丁丑進士改庶吉士授編

修有幸草亭詩

譚仲修曰君少丁大難出死入生性行之鬱鬱者觸
物即發無斯須忘壹寓於文字有變風小雅之流別
通籍奉使更感時局之日非知獨弦之寡和歸隱不
出遂巡老矣詩數百篇殆所謂不得已而作者往往

如見
古人

詩話杭州庚申之亂雪漁一門母妻兄弟二十七人
同殉於火孤生僅存述難十二章哀痛慚怛入翰林
一典湘試旋視黔學告歸憂生念亂寓於篇什題左
文襄遺像云九鼎一髮今何時吳子修跋其集稱為
語長心重黔陽雜詠五十首網羅故事亦
皆詳覈雅擅書名晚尤超軼鄉里重之

澗石

天生澗底石頭角何鬢然久與水鬪不轉亦已圓
石資水磨磋鋒斂無外炫水東石向西雖圓誓不轉

重宿江郎山下逆旅

由浦城奉
兄喪歸

千里歸喪行路難天涯涕淚一身單樹經久雨盡情碧月
照愁人特地寒多故長途恆失眠大難來日強加餐江郎
壁立空倚倚山色回頭不厭看

信陽道中

水田碧氣溢四圍白鳥得意雙雙飛我今驅車渡淮水風
物頓觸江南思丁戊之災一何酷天公幸錫年來熟豬雞
肥大稻頭麤黃茅矮屋兒呱呱

片雲挾雨火急行南村忽陰北村晴百里外見龜阨山峯
尖正與吾眉平沙石犖确路紆仄投驛停車日已匿僕夫

爭餅飢火煎驅蚊馬糞燒青煙

楊晨字定夫黃巖人光緒丁丑進士改庶吉士授編修
歷官給事中有崇雅堂集

石梁古松歌用洪右臣前輩古槐韻

金枝翠羽搖晴空神仙出沒明光宮忽遘罡風墜靈杖蒼
髯拂拂如虬龍騎龍仙人入雲去老向空山飽霜露上枝
盤鬱紛攫拏下枝化石形杈枒山深無人萬籟靜獨鶴歸
來月斜影一聲清唳立霜梢喚起人間塵夢醒老僧披衣
出茅堂手攀古藤渡石梁下觀飛瀑亦長嘯爲我說偈三
千章華頂峯高斷樵路片片白雲從此度祇愁夜半風雷
鳴飛作神龍不知處

湖墅

扁舟散髮欲何之早向煙波理釣絲一曲鑑湖雙槳入四
明狂客幾人知桃花水暎魚初上蘆葦霜清鱉共持擬傍
水仙祠結屋棹歌歸趁夕陽時

登豐山有感

豐山東走勢蜿蜒海月江風入暮天剩有孱王傳逸史幾
經名士結吟緣洞中蝙蝠多棲壁峽口盤螭欲噴泉太息
滄桑真一瞬後人誰念鄆謹田

漱巖歸示憶鑑湖詩次韻奉答兼訂後約

誰言河廣不容舸草草歸人未覺勞恰值一湖秋水滿同
看萬丈月輪高先生亦自耽詩癖今世何曾罷議曹肯許
重陽共登眺莫嫌落葉受風饕

王仁堪字可莊閩縣人光緒丁丑一甲一名進士授修

撰歷官蘇州知府

詩話康熙朝陳匏廬侍郎工為應奉之書直內廷御製書序碑文繕寫多出其手時巡慶典歲朝令節諸臣進册咸以筆札擅長袁簡齋為趙橫山墓志稱其楷法秀潤如鋪春雲蓋中葉前殿廷試卷未嘗不兼重書法特功令尚寬往往各從所習游刃自如張文敏墜馬傷臂至以左手作書人服其工嘉道以還體格日趨謹嚴排比益求精整莆田郭蘭石昆明趙文恪最有名日能作萬餘言翰林禁經干祿字書遂成風氣龔定庵作干祿新書序雖主文譎諫而所列選穎磨墨膏筆器具點畫波磔架構行文間神勢氣稟諸日固習此者所有事也前賢多摹法帖至同光間則隋唐碑版無不可斂縮以前就行墨用巧麗相勝益以邵羅名墨助其光氣擢高第者望而可決若明人制藝之詭元鑑士夫束縛於是寢違古法而自具流派後亦少懲其弊比而論之亦一代故實也可莊師以聲績爛然年未五十以勞瘁卒

官國史入循吏傳洵無愧色
乙酉使黔與楊雪漁學使同年游甲秀樓扶風寺瞻

陽明先生象賦詩志別

萬里事行役健僕猶骨肉況我金石交三年手重握握手
各一笑感物翻萬觸秋氣互沈寥天宇晶於玉如何太清
表時有微雲屬霜高鷹隼盡木脫川原肅薄寒陰始凝秋
土權易促契闊能幾時須眉見老宿仰矚北斗光空庭夜
踟躕

馬首駸駸來隨山西入黔山氣上眉宇地傑雲崎嶇君來
振宗風辛苦儲榭枏芳暉灼幽谷偃曝無寒林我來述祖
德橫舍稱猶今遺研澤未艾冰鑒懷難諶風雅別僞體慄
慄維初心細甚愧篔簹大哉君離琴協律苟不忤誰曰非
同音

山陰七里瀧幔亭九曲溪鄉邦盛文藻樓觀金碧輝人巧
天乃奪無此形模奇羅施山水窟造化渾厓屨屨將毋太古

璞遺置西南陲想見山阿人美質昭無虧家丞落秋實季
女愁朝飢菑畚秉經訓誨育疇兼施高山仰文成吾道人
天師

清晨撤輿蓋對雨登山樓危闌闐闐外森爽凌高秋便坐
畫圖出迴漪風葉流帶郭千萬家茨屋猶牽舟爲憶全盛
時生煙城樹稠萬方感一慨蹠斂黔中尤振民首士氣何
以紓煩憂蒼蒼遠色至離思飛光適將子翹秀心歸慰雲
霞儔

士儔答弢甫同年
矯若金羈脫玉驄驚人還我氣如虹誰知旌旆悠揚意轉
在車箱閉置中肺渴更無千丈露步虛饒有五更風玉梅
不道過三九一夕清尊未許同金可交三斗手重巖巖手

行縣觀稼

生小恃游宦耗粟蠹天庾家無一尺田豈識農田苦賜牒
領江郡舉帷課晴雨我來四月中烈日龜坼土新秧寸黃
萎渴比嬰失乳天不絕吾民解懸賜甘醕桔槔聲漸和錢
鎛效微睹如何桀桀苗生此舜舜羽捕蝗如捕盜連鄉整
囊鼓惟螟獨陰賊潛據心自腐剔之不可盡祈佑神所主
盼到禾豆花歡若珠璣吐一夕起陰霾彼蒼胡嗔怒忍令
蔀屋豐坐聽山風蠱存者蓋已僅登場日可數夏旱秋轉
陰穀爛芽先弩哀哉一粒粟受此百摧侮長官料穀數還
口十得五舟行見炊煙嗟我民力普甌窶祝未央鳩扈職
何補三復伐檀篇改容對農圃

毓俊字贊臣滿洲旗人光緒己卯舉人陝西候補道有

友松吟館詩鈔

擬韓昌黎山石

山石崒嶸橫翠微瀑布灑落銀蚪飛銀蚪噴水洗石磴山
草濃綠莓苔肥我生酷有山水癖但恐人世知音稀手撥
煙霧入古寺僧具蔬筍療我飢借宿短榻不知曉杲杲初
日光照扉上窮峭壁下陰谷幽篁古木煙霏霏山禽繞樹
老猿嘯陰崖森森松四圍白雲相逐登絕頂千仞高岡振
我衣一邱一壑自行樂何必如馬常銜鞵山嶽竦誚隴騰
矣櫻情好爵胡不歸

寶珠洞晚眺

清秋曳杖登翠微野客閒逐孤雲飛絕頂古寺磬聲寂夕
陽在山僧未歸

顧印愚字印伯號所持華陽人光緒己卯舉人官湖北

知縣

詩話印伯爲張文襄所賞拔詩蒼秀雋雅自宋入唐不作凡近語

題程穆庵石巢讀書圖

帶草縈書石聽詩舊安巢處鳳棲枝
穎居叔黨能爲賦籀注游秦早決疑
佳日林亭良不負清秋篇什最相思
打鐘掃地尋常事過客光陰讀畫時

病中岳二兄朝夕臨過兼聞鄉訊感賦

病榻來過風雨交應時不巳自喈嘍
萬竿惡竹誰從斫一曲清江莫定巢
天上虛傳清暑殿人間甯有孟城坳
側身四望歸無所聯句城南豈愈郊

答洛生七弟見懷之作次韻

當年大母煦諸孫今我生孫解候門無以爲家行未已不
遑將母疚難言夢中俯仰何身世病裏扶攜倚弟昆還見
新詩獻康樂鳴翁春草得重論

辛亥歲長至小寒節間羅四峯兄每從漢皋還菱湖
樓居輒過敝寓留連置酒不減杜甫之於蘇端也
寄愁埋照月三弦過隙沈沈井底天誰道夢中猶識路劇
憐寒盡不知年渡江名士仍流寓飛矢行人未解懸枉愛
蘇端能數過雞鳴風雨濁醪前

岷江

觴濫鵝村注岷搖西波東漸畫南條海門組練樓船入蜀
陣風雲石薊標郭賦臣唐人代改禹書匯漾地形遙巴流
學字郵無字望盡吳船萬里橋

得節盦海上書卻寄

代不數人能幾見去去江空歲年晚閉門一字不堪煮無
補費神詩作蹇西風盡夕城滿塵帶水沸潮消息斷十七
柳凋十桂爨更問菱湖與桐館風花一瞥旋成毀那及黃
樓醜魏衍書來海上如說夢自在人間已枯苑斷雲含雨
向何許淚眼不晴天不管布衣許身老轉拙失計殘年難
飽飯履綦故蹊綠苔滿子甯不來夢當返小別千年萬山
遠

晚眺明月橋南石步間偶題

沙坪殘草伏雛雙明月杯湖帶石砒我酌長瓢從漫叟天
然祕色舊雞缸

過景桓樓故址感賦

景桓樓角織烏寒鐘漏音沈壁畫殘甯省獨來迷處所記
從高處凭闌干

重到京師感賦寄程穆庵

鳳城平日萃公車回首蘆溝歲月賒退谷儘容孫北海麓
堂莫問李西涯價留鐙市前朝扇香散斜街曉擔花贖與
放翁評世味白頭騎馬客京華

吳受福字介茲號璉仙嘉興人光緒己卯舉人有小種

字林詩藁

詩話璉仙父少村中丞昌壽起家牧令屢殄劇寇鳴
琴所至抱鼓無聲海撫鄂豫時值軍興拊循捍禦具
有勞伐平生方介廉潔位至封圻家仍儒素璉仙一
舉賢書不干祿仕篤行貞操雅有父風國變後易道
士冠旋悲塲
子鬱鬱遽卒

明姜給諫

塚

宣州老兵硯爲陽湖左社文孝廉

運奎

蘇題

昔也居諫官起草曾侍惠文冠今也為戍卒枕戈待焚君

苗筆不以矚蛟龍不以鋤榛莽

給諫別有視銘云爾有目蛟龍之窟不能矚我有鋤

榛莽之區不能除

氈裘毳幕溷廝養此石遭際抑何枉遐想當年

黨禍侵烏臺風骨爭森森役車蒼皇猶未赴神州胡乃先

陸沈吁嗟乎石齊斷碑誰所守鄭生天風汝其友一坏荒

土敬亭右硯兮終古與之長不朽

蘇題

晚翠亭圖

林木似名節斯言契道真清芬覘厚澤小築絕羈塵楊子

草元處吾邱學古倫杜門忘世味珍此歲寒身

交酬劉語石明經

炳照

我厭四民窮天荒地亦老溝壑未填委乾坤倏顛倒世變

何倉皇氓蚩迷昏曉竊慕邵平瓜不求安期棗班荆逢故
交袖詩惠我稟相見如顧頴豈復矜詞藻春波起歌聲高
情抗雲表任運勸委心靜觀祛煩惱明哲古訓遵桑榆蘄
共保

郭曾忻號春榆一號匏庵侯官人光緒庚辰進士改庶
吉士授禮部主事官至典禮院掌院學士諡文安有

匏廬詩存

詩話匏廬為禮官垂三十年兼直樞垣洞明掌故其
請以顧黃王三儒從祀孔廟為庚子值諫諸臣請諡
力爭滿員從漢服制先後三疏為世傳誦辛亥後始
致力於詩輯所作為亥既集丁卯續成往年集雲萍
麓稟滄趣序其詩謂婉至類遺山沈厚類亭林此於
其性情見之實則深於杜詩不必規規趨步而神與
之合至其見聞翔實寓史於詩滄
趣謂一代獻徵之所寄誠篤論也

和畏廬夢謁梁格莊梓宮作

此詩集詩卷一百一十一

燭火星星遠燎原酸心板蕩此乾坤苞桑痛念先皇計因
果終疑佛氏言黃髮不遺虛願命蒼生何罪劇煩冤杜鵑
再拜千行淚淪落詩人自感恩

檢藏書感賦

人生貴適情長物皆爲累讀書不在多安用羅篋笥長安
號人海自昔居不易矧經喪亂餘豈有立錫地饋貧亦虛
言腹枵難煮字飢驅匪自由顧此焉舍置一身已贅疣四
海方糜沸復壁無深藏兼兩重勞費兒曹惜手澤甲乙爲
標識誰知丹墨痕中有滄桑淚

吾家黃璞里通德存賜書遠宦偶歸來什九飽蠹魚先疇
無一畝安得帶經鋤春曹三十載退食雞栖車閱肆掠賸
殘累積寸與銖一日未釋卷寢饋與之俱亦知玩物戒聊

勝博奕娛甬東天一閣吳下士禮居小大相絜較潢潦於
江湖萬錢愁塞屋措大真窮途

延秋夜唳烏達官盡避走栖栖復皇皇可笑喪家狗妻孥
亦何知作計隨人後旅瑣悲焚巢自貽復誰咎失火賀參
元吾思柳子厚區區保叢殘無異千金帚長恩獨何事殷
勤爲我守炳燭念餘光雅意甯忍負歲除修闕典會當酌
杯酒泊宅無安居此願竟償否

歐風日東漸學說競趨新莘莘鬻舍子六籍誰復親法言
久覆瓿論語可代薪迂儒不解事矩矱守先民莊生嘗竊
笑章甫適文身徒然抱殘缺終恐委灰塵祖龍恣焚坑孔
壁未盡湮吾觀今日事酷烈甚暴秦浮生無百年邁此大
化淪成毀何足道掩卷潛悲辛

題蘆臺聶忠節祠

尚有荒江廟貌留同時淮將已無儔
鼓鼙今日思應晚萋菲盈庭死亦休
朝士可憐黃菜葉路人猶唱白符鳩
英靈不泯知遺恨坐看支祈鼓濁流

媿室丁未試御史報罷余贈別有當代南雷人不識
之句子益方哀集其生前酬唱之作書來屬補錄
附此追輓

易簣丁甯願竟虛橫流一決遂淪胥南雷若使生今日應
廢明夷待訪書

新亭舉座皆周顛魯國當年一孔融留得題襟詩卷在九
原家祭有餘恫

長少白制府見訪話舊

三十六城老都護傾蓋相逢訝如故生芻一束見君情候
尉相望斷書素臯蘭玉節控萬里誰知海內風塵起羸得
籌邊雙鬢霜恨不減洪同日死建威銷萌豈無策老謀不
用長太息漢家九鼎重如山夜壑移舟一夫力三徑就荒
歸去來大弨挂壁生塵埃海濱不遇田橫客獨禮文殊上
五臺

自題集遺山律句百首後

曹毗一片光明錦白地裁爲負販衣偶借酒杯澆磊塊九
原可作幸無譏

轉喉易觸當途諱學步但增餘子羞儘把精神費無益東
塗西抹幾時休

杏城侍郎以次韻樊山秋柳詩見示仍次原韻奉和

柔條豈耐雪霜侵
忍見飄零萬縷金
攀折行人朝復暮
蹉跎芳序昨成今
江潭何限悲搖落
海水分明闕淺深
回望扶桑麗朝旭
苑枯難與問天心

烏桕丹楓滿目秋
傷時王粲怕登樓
尙餘舞態臨風見
何似浮蹤逐水流
大樹功名虛玉帳
劇棋光景變金溝
亦知代謝尋常事
不奈言愁我欲愁

曉風殘月唱屯田
爭及城南尺五天
閣道添星深得地
義和敲日不停鞭
前途黯慘仍愁暮
舊夢迷離盡化煙
休說十圍親手植
也應憔悴異當年

陶令門前盡日垂
闌珊情緒有誰知
流紅得句聊題恨
傅粉何心學弄姿
一曲秋娘歌獨絕
十年春夢覺應遲
上林故事渾疑信
猶盼迴黃轉綠時

舊政務處海棠花下追懷壽州長沙二老

二老風流不可親
庭隅負手獨逡巡
青油日看宣明面
知有花枝解笑人

酌酒難忘手植辰
名花也是劫餘身
東風嫁盡新桃李
未恨無香媚路人

雨後與熙民過榆園

一雨何當爲洗兵
簾櫳相對不勝清
曇花偶現猶疑夢
杯酒重拈且壓驚
幕燕翻飛渾未定
池蛙怒聒底難平
晚晴景色無多子
愁聽斜陽鼓角聲

書鈔本杜詩後

杜陵際喪亂每飯不忘君
許身稷與契世尤駭其言
豈知此老胸固在憂黎元
稷契佐唐虞得以康斯民
君民實一

體君仁莫不仁所以企中興戀闕心拳拳肅代雖孱主西
極猶自存陵夷逮懿昭讀史足辛酸豈惟凍雀悲清流亦
投淵羣盜起如毛什百巢與溫所過恣屠掠千里無人煙
五季遞興仆十國更剖分迴思天寶日何異羲皇前九州
戴共主繼體豈皆賢神器要有屬自然息閭干風騷本忠
愛千載思靈均楊墨無君父率獸終食人民彝旣泯亂天
道無幸全此語非臆造吾聞自船山

杜公稱詩聖眾體無不備大雲贊公房乃與選詩類向來
信口讀未測意所謂近覽杜園說乃如豁蒙翳當年陷賊
中此爲竄匿地去來與信宿蹤迹皆可識復壁藏趙岐北
海伴高誼巾履及醜齠衣食兼調濟脫身有天幸麻屨達
行在右丞與司戶誤被羅網致託疾以自全亦未僞職試

台州竟死謫朝川亦作廢少陵屢贈詩漸破至一再後儒
顧不諒執此爲訾議往者粵寇亂名臣若湯戴皆無效死
責慷慨輕就義承平重氣節清議猶可畏道咸去豈遠風
尚乃大異紛然鳥獸散咄咄真怪事

虞山箋杜詩畢生萃心力以視嘗鶴輩較然分黑白稼堂
與義門糾繆紛指摘芟蕪其榛蕪十猶八九得獨解勃律
章乃援樊師說衣毛譏烏言比類強區別書生守兔園繁
徵疑奧僻龍門謗史心狡獪故難測我因讀此箋重感世
變亟通市逾百年蕃舶來如織鄒衍所常談甘英未盡歷
條支西海頭環峙皆勅敵連雞鬪爪觜未易雌雄決馬主
雖中微寶鄉益繁殖盛衰初無常誰能外夷狄震旦號昭
明文物迥非昔仁義苟不存政恐難立國卽敘徵夏書大

言得無作牧翁豈及料瀾翻恣筆舌

先中丞公癸酉鄂闈擬墨原稟湮兒裝潢成册敬題

其後

三度文衡總向隅九重溫語念寒儒傳家別有燕支筆手

澤猶堪一集都公在詞林三次考差均未獲簡授甘涼道

廉訪公宦浙亦屢充提調監試家藏闈中手札日宣宗嘗垂詢及之在鄂再監文闈

點鐵成金有化工敢將小技薄雕蟲當時曾感孤寒泣一

念憐才出至公在闈值首場放牌得一卷三藝皆佳而試

傳為佳話

模楷非徒多士資公忠默與古人期一朝功令興亡係劇

憶中書抗議時是科題為公叔文子一章公權督兩湖時

不逾年即開府湘中與臣僕同升事相類文勤晚年在政

府簡默自晦有伴食之稱獨於廢科舉一事持異議至以

去就爭之當時
又有笑其迂者

乞骸疏草背人揮蕪菜秋風早見幾一疏回天私自慶驚

聞哀詔倍歔歔

時公已決退志於闡中具草陳情並家人亦不之知既得俞旨適有奸人李光昭報

效園明園木植之事川楚諸帥約連名諫阻或謂已開缺可勿與聞公毅然曰茲事所關甚大吾在官一日即當盡

其言責卒列名入奏事竟止解職後就養吳興郡署聞穆宗升遐感憤時事一病幾殆

秋柳明湖記夢痕都堂燈燭不堪論文身章甫知無用且

寶先芬付後昆

秋暑索居案頭惟亭林南雷兩家詩時復展玩各題

一章

桑海多傳變徵音鉅篇誰解讀亭林依然清廟明堂體未

肯亡明一寸心

忠孝艱屯萃一身梨洲世不數詩人刊餘華藻無甯拙掬

明時錄言四卷一頁四十二

盡衷腸只是真

翁文恭公生日師鄭吏部邀同人陶然亭爲瓶社第

一集並出遺墨傳觀敬賦長句

神龍反正語多祕元祐改子亦稱制梁公温公時不同苦心要爲宗社計公傳冲主厯兩朝遭際之隆古莫媿中書當筆無所讓安知身與危機會温樹不言心自悲文采風流特餘事鄭齋晚得衣鉢傳遺書綴輯篤風義遠溯歐蘇近顧王生朝禱祝舉成例城南亂後車馬稀惟有西山猶故態暫借團蒲締古歡自循漢臘修私祭流傳翰墨已豪芒尙與平原堪作替我亦春風座下人雲臺夙昔聆高議陸氏舊莊久就荒冬郎敝篋空留記載酒難尋門外蹤撫箏重感筵間涕宮鄰金虎竟始終空山枉喚奈何帝有人

嗾鶴痛華亭幾輩牽黃憶上蔡竄身猶得老江湖壞事何
須嗔鬼怪忠佞於今已昭昭揮戈不挽虞淵逝吾儕苟活
真幸民莫厭相從飲文字魂兮大鳥儻歸來此舉年年宜
勿廢

題徐晴圃中丞從軍圖

睿皇初政誅驩共諒陰不言言乃雍川湖逋寇猶隳突障
日修羅坐養癰詔遣重臣提禁旅鐵騎三千盡貔虎親承
天語授機宜妙選軍諮開幕府舍人早直承明廬於時讀
禮亦家居金革無避古有訓起應徵辟從馳驅往來黍雪
冬徂夏躍馬橫戈不遑舍轉戰曾過隴阪西捷書頻奏甘
泉夜唾手方看掃穴巢含香雞舌還趨朝幾載迴翔依省
闈重來開府擁旌旄樞垣始因西師設頗牧時聞禁中出

平臺籌策出耘菘征緬郵程紀蒲褐紫光圖畫比雲臺拓
地開疆逾九垓潢池盜弄小醜爾昔何其勝今何衰我亦
簪毫舊從事每讀題名想前輩屬車豹尾屢追從行在麻
鞵餘涕淚開元生晚羨承平百二秦關尙苦兵渭水終南
如在眼暮年蕭瑟庾蘭成此圖寫真近神品況復名賢富
題詠神武猶堪想廟謨流傳豈但光家乘玉軸裝池手澤
新時艱未放退耕身陸沈重挽神州起整頓乾坤匪異人
與樞直舊友追話諸老軼事因誌其語

圖讖說滄風禍唐知不免鄉曲老書生乃亦妖夢踐前生
故渺茫置身忽鼎鉉私印默自鐫畫禪且游衍

南厓非奸相門下乞削籍謬種孰流傳亦被春秋責和戰
處兩難羣矢期中的智哉衛足葵急流能勇決

少年馮涿州晚慕傅春和推賢亦下土瞻智猶足多調護
骨肉間披誠無媿阿咄咄雙桂軒退食誰見過
烽火照甘泉宮車急西邁七十禿老翁抱印趨行在入議
首懿親青蒲偶獨對呂端不糊塗沈默姑養晦
藏地連西南全蜀藉屏蔽維州已歸順廟謨忍輕棄桑榆
猶及收薦賢亟自代碧血埋萇宏誰理西康議

雜詩

蛭蜣工轉丸寒蟬但飲露匪惟所性殊能事亦天賦壽陵
學邯鄲乃反失其故奕棋志鴻鵠兼營終兩誤入極何茫
茫出門卽歧路甕中有天地章亥不能步

利欲中人心若火始燄燄福善禍淫理衰時或不驗君子
道其常束身懍圭玷父師所提詔旦明儼昭鑒謹微猶恐

忽縱暴安有饜彼昏坐不知吾儕懼天厭三復望谿言頑
軀足鉞砭

國風終曹檜戰國遂無詩漢魏稍萌芽齊梁益卑卑治少
亂日多雅頌亦已微千載一詩王牛酒不飫飢後人論皮
骨流派彌紛歧無病而呻吟世猶疑繼之白賁本無色大
樂貴聲希寂寞誰與娛谷音或庶幾
春服亦旣成舞雩偕童冠及門各言志聖有與點歎古來
賢豪士出身當世難晚節尤難持百里九十半幼安老依
遼孔明卒扶漢泉石豈本懷風雲要長算商歌望南山長
夜何時旦甯諄狂夫狂毋爲漫叟漫
分利日以眾生利口以微往在承平日已有人滿疑客從
故鄉來欲語先涕洟小民勤四體未贍八口飢兵火所摧

殘敲剝及膏脂重以災疫繼道路皆積尸迴視顯宦輩纍
纍擁金貲富者力兼併貧者無立錐物窮有必反勿謂彼
蚩蚩吾亦游食徒內愧當語誰一飯無兼味一緡無餘衣
且辦一身瘠敢問天下肥

破齋主人出示其先王父九九消寒圖手蹟屬題

十日一水五日石崑崙方壺修真迹不如渲染沒骨圖裝
堂鋪殿精楷模怒氣作竹喜氣蘭風枝雨葉來無端不如
流傳喜神譜小蕊大開足意趣九九諺出田家志翦紙調
脂近遊戲誰歟運腕妙寫生展卷雅人見深致一陽來復
天地心次第春光靜可尋瑤草琪花石供古重茵複幕畫
堂深東南半壁烽煙靖榮光出河通瑞應雲臺上將數高
勛官閣水曹自清興五十年來手澤存摩挲故物重瑤琨

曾供乙覽睿思殿好伴新圖水竹村
燦爛雲章親弁首子
子孫孫當世守渡江又見歲華新
珍重亭前舊垂柳

鈔吳野人陋軒詩一冊書後

陶杜而還有此詩漁洋確士未真知
苦吟落得身貧賤殘
燼應關鬼護持上座敝衣名士會
荒邱宿草故交悲
簞鐙錄罷重尋諷益信潘翁不我欺

弢齋見示所撫王廉州煙樹晴巒橫卷屬題

老生有常談無欲觀其妙覃谿借評畫
下士皆大笑豈知
至人心如鏡常皎皎燕處謝榮觀
超然塵壒表四王擅名家古逸
惟元照晴窗偶展卷借題抒腹
藁疏林帶茅屋風帆逐飛鳥
一重一掩間煙雲互縈繞
直與造化游匪矜神貌肖曠
林日干戈庸流空自擾扁舟者
誰子危坐方持釣

客有詢近作者書此示之

唐宋藩籬略未窺狂歌自寫此心悲吾生不幸多言中天
意終無厭亂期臨水登山行已老吟風弄月復偕誰思量
何物供詩料還學毗耶杜口宜

德宗景皇帝實錄尊藏皇史宬禮成恭紀

衣冠拜表上彤墀九廟神靈鑒在茲伏案頭童纔歲役攀
弓淚盡總銜悲金鑾故事空留記玉几羣公孰受遺蟣蝨
微臣慙報稱贖從家乘紀恩私

御河路轉小南城典守猶餘老禁兵兩翼分排金鎖燦九
霄上燭玉虹明檢書供奉長歌壯受印親藩異數榮欲證
舊聞遺老盡文謨武烈想承平

題第四女葆蕙遺畫

生小深閨薄綺羅長年几席苦研摩清才賦與天何意玉
隕蘭摧一刹那
老翁百念俱灰槁不作人間無益悲結習但思文字託偶
傳遺語念渠癡

雨夜不寐雜取案頭書讀之

萬感何來迸似潮披衣強起亦無聊古人傳者皆糟粕獨
夜悽然此晦瀟永憶對牀隔黃壤猶疑聽漏近丹霄耳根
徹夕琅琅響知碎庭隅幾葉蕉

惺吾以新刊勤恪公政書見貽敬題奉簡

勤恪督楚時吾祖同疆寄大難適初夷急在培元氣撫臣
職治民地與益陽異推賢本公忠剛柔亦互濟不爭赫赫
名豈恤悠悠議奏牘茲具存經畫皆至計國家建行省命

官有深意元豐議省併祇以便專恣荆襄據上流承平慎
擇帥奈何任無賴輕舉江東棄始信古人言將亡必多制
與君籍金閨通家逮四世白首役汗青同舟話故事連楹
賜書在駿烈慙弗嗣傾陽一寸心何補東隅逝萬方困虐
政生民日憔悴豈獨峴山碑過者爲墮淚

幽居遣懷

蕭然丈室老瞿曇嵇懶非徒七不堪祇合當門書蕙字有
時隔牖覓雞談人情但自看雲習世味都輸食蓼甘強把
一樽排萬慮乍欣卯飲得微酣

百劫茫茫賸此軀鏡中那復識今吾科頭晏起眞供狀挑
耳勘書古畫圖日歷久忘新晦朔煙蓑長憶舊江湖小車
洛下無人問牛馬相遭總任呼

山經海錄儘無稽
遣悶時還一卷攜
漸愛負暄知老境
稍從習靜見天倪
秋花自嫵供憑檻
寒菜能香促灌畦
未必牆東容避世
扁舟何處武陵溪
已分高軒絕往還
深居何事復相關
打門詩債從人索
倚壁筇枝對我閒
諫草糊窗經斷爛
誥綾裝帖喜爛斑
卧游恣看蓬壺景
一角猶餘馬遠山

乙丑二月出都車中口占

西笑真成夢東流未有垠
偷生餘故我觸處感前塵
卉木猶含凍風沙苦趁人
此身安住著滿目足悲辛
靜聽車輪轉吾腸與萬周
把書姑引睡呼酒不澆愁
促坐知誰某微吟自唱酬
平生江海興左計負扁舟
美服人爭指空名盜亦憎
當關多猛虎掠野盡飢鷹
衰朽

慚筋力承平想股肱悠悠青史事神理久無憑

于式枚字晦若賀縣人光緒庚辰進士改庶吉士授禮

部主事官至吏部侍郎諡文和

詩話文和為東塾弟子博極羣書文辭敏妙喜作諧
語時涉嘲笑東塾有詩規之散館分部終身引憾久
佐李文忠幕章奏書札多出其手熟於史事及近代
掌故與人縱譚如數家珍有疑其誤者取書視之不
爽一字迺歎服工宋四六不好著書亦不喜作詩辛
亥後間為絕句旁注故事以寓譏諷避地滬濱至崑
山拜亭林墓還時歿於舟中

李寶臣紀功碑歌

恆陽古郡行署旁一碑屹立支風霜紀年建中記永泰文
詞漸泐猶能詳云我亞相秉王命世有勳祿兼忠剛鋪敦
四凶翊三主瞿惕威惠懷瀛滄千三百言自贍密謏詞曲
筆難具量漁陽喪亂起安史夾河州郡沈戎羌旄頭墮地

胡焰盡餘星四散還披猖陽和鷹眼偶一化神狐得夜爲
妖祥淄青魏博洎幽冀各擁旄蓋憑巖疆成德一軍最悍
突明光十萬羅成行控弦飲馬正南下百縑一擲催歸裝
射堂竟馘朱司徒此功信可銘旂常同功石讖恨不應幽
燕二帝遙相望歸來據險阻兵甲蟠屈薛李連田梁輔車
勢成窟宅定謂可高卧常山岡豈知凶德不再世貍羆生
不如封狼徒資部曲取旌節同開大鎮康王張蛟龍匣毀
奸骨朽巍然片石經滄桑獨留一事證史闕題銜特誌清
河王摩挲苔碣百感集蹉跎國步哀中唐代德以還那可
道風塵瀕洞昏東方威弧不弦斧鉞鈍徒恃文物糜豪強
凌煙圖畫紫薇券一一狎視爭騰驤更勒豐碑紀勳績追
逐方召參翱翔峨峨西平與義陽庶幾無愧桓文襄華州

會頌李全諒成都復紀韋南康此外文字僅羅列何啻中
國紛蝸蟻八紘一裂不可止顛倒功罪由文章陸蕭正色
拒趙魏幾人嶽峙中書堂鄒公之銘出吏部無乃少損日
月光矧茲幕府頌功德豈容著手爲低昂百年運會一分
合燕將語在非微茫章武昭肅恢大綱手持魁柄臨八荒
蔡齊並潞齒神劍河朔獅子眠如羊淮西碑付段文昌盧
龍銘勅李贊皇英衛之勳燕許筆兩朝將相何堂堂文石
無言任雕刻誰留穢惡傳芬芳從來上策在自治罪言盍
憶司勳郎

成都浣花草堂杜少陵祠

大雅千秋在遺祠倚近垆蒼茫中興日寥落少微星故宅
空文藻斯人具典型池臺換塵劫無恙竹林青

地舊華陽縣基仍寶應朝元猿愁落日孔雀望凌霄何處
千間厦當年萬里橋空庭蕩春色獨立黯魂銷
海內兵戈滿天涯歲月孤西來嚴僕射北望李司徒寄興
聊題壁憂時獨論都蓬萊何可到冷夢逐青梧
江上三年病人間萬事非魂隨星使節血慘漢臣衣桂嶺
誰通問松州正合圍秦川秋信早亂定幾曾歸

杖策知何適抽簪此暫留白楊多廢壘青草又扁舟將帥
還燕薊風騷失應劉無端人世感江水日悠悠
等是三川客飄零滯一鄉死生房太尉羈旅漢中王江漢
堪終老彭嘉各異方白鷗如可狎真欲賦滄浪
雲影琴臺暮溪流劍閣春變衰餘草木瀕洞莽風塵涕淚
宣光事江湖稷契身漢南連灞上極目正愁人

未許馳千里還期賦五車寒歸華表鶴晚釣錦江魚軍府
憑看畫中朝久絕書平生江海志吾道有樵漁
不唾青城地何來碧玉京殘年思杜曲故國憶蘭成天地
獨懷古君臣方論兵短衣撫長劍狂顧意縱橫

落拓瞻鴻碣羈孤念鶴林野亭勞望眼水檻遣閒心寂寞
揚雄宅棲遲梁父吟涪翁瓣香遠曠代結知音

秦中懷古

六國樓臺一炬連美人鐘鼓散如煙十年運盡初逢鬼百
戰功成又學仙鶉首關河天一夢龍髯弓劍地三泉青梧
觀冷麒麟折賸有苔花漬血鮮
浮雲白日莽秦關如夢興亡去不還金虎宮鄰唐北寺玉
魚陵墓漢南山叢臺露冷銅仙別野殿風高石馬閒杜老

哀吟沈郎表無端幽怨道途間

東井西河闢上都文謨武烈遞乘除雲霓赤帝三章法日

月蒼姬六典書棲鳳何年來白虜伏龍從古護皇圖金戈

鐵馬縱橫地放眼千秋幾丈夫

天府名區百二雄上游陸海控寰中靈潭犀象連檣密大

漠牛羊逐帳空競說河流關利濟幾聞隴坻隔華戎平蠻

得寶翻新曲又見飛塵捲朔風

獵獵牙旗出苑牆十千組練試明光一鸞未暇災先伏九

虎憑威勢可常塞北風雲朝白帝關東烽火殉黃皇銀箏

嗚咽樓頭語可憶金鞭下未央

舊曲淋鈴樂府傳倉琅驛騎望秦川江花江草愁無極秋

雨秋風夢悄然青瑣華年懷鄂杜白頭遺事說開天紅樓

珠箔遙相憶摧斷青春蜀國絃

燕齊迂怪逐波瀾張趙名豪競射彈幾見神仙返東海眞
成盜賊阻西山丹砂不救蒼黃劫白日憑探赤黑丸一代
亂源何處問好遷豪傑實長安

草檄題詩意若何百年心事足悲歌新書甲乙編南部奇
策縱橫畫北河宣室鬼神原恍惚梁園賓客竟蹉跎何從
更覓封侯印付與温岐哭逝波

徐琪字花農仁和人光緒庚辰進士改庶吉士授編修

歷官內閣學士署兵部侍郎有日邊酬唱集粵軺集

詩話花農華胄清才跌宕自喜少受知於曲園先生
先生有詩云文字論交誰最深門牆徐穉最關心一
詩焚向亡妻告爲報花農入翰林又云傳來消息日
邊佳北望長安眼屢措三十年前詩句在期君曝直
到南齋其契合可想罷官後困居都下而花時讌客
豪興不減喜獎掖後生雖受其累不願也好譚休咎

善繪事詩致雍
容無衰颯語

十月十七日桐城道中口占

野草芟餘嶺壑明
穉松都似盎中生
天然斐几宜清供
高處雲濤作雨聲
時有真香通妙趣
偶留勺水助躬耕
吾家南北雙峯頂
一樣凌霄積翠橫

連州鐘乳石歌

連州鐘乳天下奇
陰崖千尺俱倒垂
苔鬚蘚髮界飛瀑
如鳥浴羽毳襪灑
星精月魄互激射
露華雨液融胎胚
琅玕束筍籜懸處
瞿曇閉目香定時
飢鷹渴驥不一致
蜂房燕壘相偎依
蛟潭舊友頗識面
縐瘦亦覺殊端倪
菖蒲紫茸綴瑤草
歲久石骨同拄支
叩之清聲奪琴筑
筑雁柱欲合銀笙吹
乃知珊瑚出海底
亦似荇藻紛漣漪
年深寶氣自吞

吐遂與玉色爭瓊瑰瀛臺舊有木變石褒詠曾賁天章詩
小臣侍從託史館至妙每覺難管窺觀此始信造物巧意
匠不到皆天機比來高談侈格物烹鍊霜霰如飴飴五金
八石別寒燠黃埃青瀕衡銖錙豈知大地不愛寶信手結
撰憑取攜巨靈太華擬議耳女媧戲補誰見之我今一拳
置碧盎十洲三島含須彌放顛幾欲傲海岳秀采亦復爭
仇池殷雷前山乍振響呼吸如有煙霧隨夜深蝸篆競出
沒科斗如黍皆文螭子厚欲乞定不與稚川相訪或見貽
莫教煮食同芝蕤雪竇中有領下驪采之欲佐軒轅璣萬
國土照紅塵微心情當與成連移水仙一曲波溼衣

韓江赤鯉歌

鱷魚已去金鱗生水晶宮闕皆通明連蜷雌蜺奪奇采偃

僕南極排天星如鉤新蟾不可釣五色晃漾交輝瑩葛陂
秃杖幾時化琴高隻手凌空擊豈如鱗鱗入網罟竟與圖
畫爭丹青懷川寶氣久必洩欲起五岳窺真形巨鼇戴山
湧之出馮夷擊鼓喧而登斯邦太守鳳池客與我俱挹蓬
壺清晚來喜共尺書至欲助吟韻添茶筌雙瞳看朱屢成
碧得此朗澈臣心冰詠莪幼感學詩對魯藻正發東風馨
泳游頓思樂在泮天鳶梁雉相時行豈如校人屬子產要
爲大造培菁英龍門起躍盡變化鯤鵬瞬息隨飛騰廣文
更爲進一解尺水慮勿容長鯨奇姿必非池中物盍縱巨
壑歸滄溟我壯斯言夜起舞一擲亂跳波濤腥羣靈趨擁
入水府老漁束手拋霜鬢生機何止濠濮暢士氣直共風
雲興明年畫艦臨江城揚鬢或導雙前旌旁人認是海霞

曙我知卅六來相迎

曉起

建瓴舴艋溯奔湍圖畫應知俗手難煙帶春痕上山翠晴
烘水氣破江寒津亭花繞朱幡隊野寺松藏白玉壇欲向
雲崖刻詩句他時留與掃苔看

何乃瑩字潤夫一字梅叟靈石人光緒庚辰進士改庶

吉士歷官左副都御史有靈樵仙館詩草

詩話潤夫為蘭士族裔久官水部稍遷柏臺庚子拳
匪之亂以附和剛相為人詬病性好吟詠辛丑罷官
後僑寓京師蒔花載酒賦詩自娛與人酬
唱無虛日自言取適性情工拙所不計也

雙白蓮歌題長女兆英畫

銀河倒瀉三峽泉粉筆劃破秋空煙臨風悄對光瑩然意
態綽約花開先曉月欲墜涼娟娟露華皎潔珍珠圓乍如

宓妃來洛川凌波微步交迴旋又如佛子臨九天芬陀利
花在眼前瑤池昨夜開華筵空中擲下雙玉盤素女醉舞
青娥顛六月霜雪霏瓊田我持杯酒憑雕闌俯視秋水清
且漣中央宛在疑飛仙神游江潭周湘沅靈均素質同昭
宣蘭湯沐浴清白全瓊枝玉華成班聯移家宛住西湖邊
兩峯凝雪生朝寒我欲從之勞躋攀清晨坐對佳賞延溪
山尺咫精神傳願花常好花無言爲花寫圖徵吟箋常使
香色留千年

手植盆蕉經冬猶綠晨雪靜對賦詩記之

翡翠新鮮玉瑩潔天然圖畫自清絕滿園寒色透重幃窗
裏芭蕉窗外雪

入吉林城見松花江

三面城垣一面江入城瞥見浪花撞市聲近雜潮聲起帆
影低隨樹影降千疊峯巒橫遠岸半街樓閣啟虛窗慚余
策馬恩恩過孤負人家春酒缸

秋邊感興

銅柱崢嶸馬伏波特林碑碣近如何海天望斷蝦夷島雪
地魂銷虎踏河豈有安邊輕用戰斷無柔遠不言和昇平
鏡吹凌秋起莫誤西風勅勒歌

偶成

拋書午夢涼竹翠侵紗幕深院悄無聲白蓮自開落

朱福詵字叔基號桂卿海鹽人光緒庚辰進士改庶吉
士授編修歷官侍讀學士有復安室詩文集

雪後望富春山弔伊孝廉

樂堯

用老杜冬到金華山

觀因得故拾遺陳公學堂遺迹韻

孝廉避粵寇之亂餓死富春山中

日出富春江連山暎崔嵬孤雲識歸路往棲子陵臺積雪
浩漠漠飛鳥去不回清光轉林麓豁達戶牖開迴峯抱春
陰虛壑松聲哀慟哭志士盡颯沓西風來尙憐伊孝廉白
骨埋蒼苔賈志就埋沒何地無賢才

和匡伯用山谷次晁補之廖正一贈答詩韻

齊虜得官乃以口臣朔長飢索升斗朱鳥歸肆行翾翾我
春辭家秋未還讀書佳句坐歎息詩夢已落吳淞間旗亭
一曲黃河上四座無言獨心賞天街夜涼如水明闌干曲
衆環碧城願接雲駟與天語美人顏色若之榮眼中少年
今老矣安陵昔日繁華子前魚已自爲人憐蛛絲還能助

我喜萬古牢愁未入弦欲竟此曲無人彈丈夫意氣屬有
在挂席千里難追攀我欲隨君且入剡中去李白一生自
愛游名山

潞河舟次疊前韻柬花農同年

少傅勳庸在天口尙知喉舌猶北斗仍彙文采何斑斑早
朝攜得香煙還蓬萊清邃足官府風月不到非人間蔡侯
並掉詞壇鞅偶出城南事游賞嚶鳴相召筆再賡佳句往
往誇連城詩家自有麟閣在未知浮世誰枯榮卽今京國
號多士我歸去訪鴟夷子游客方深鱸膾思慈母已占鵲
聲喜潞河新月蛾眉雲南飛有雁君莫彈西風殘葉埽不
盡晚煙疏柳猶堪攀但願儒館獻歌戎埃息看君玉堂畫
掩吟春山

苦熱

我昔三年客幽冀窮廬畏寒縮如蝟秋非我秋冬非冬獨
喜炎天有爽致今年江南苦溽暑草木無端被熏煮書生
偃蹇體膚漫默塞低頭汗注雨微風不起焦煙紅塊若魚
置枯池中窮鱗何惜升斗水徑欲上訴煩天公人生動覺
故鄉好我居南方恨鬱燠萬事轉移有如此世間初念那
可保跼蹐安識造物意且展琉璃倒身睡會著一嘯清風
來淨洗千里無纖埃

容城楊忠愍公墓

常傍松筠想故居白楊墓道更蕭疏埋輪事憶張文紀下
馬墳尋董仲舒大鳥能來知不忝蚺蛇有膽定何如奸諛
骨朽知何處十載鈴山笑讀書

王懿榮字正孺一字廉生福山人光緒庚辰進士改庶

吉士授編修官祭酒殉難贈侍郎銜諡文敏有遺集

詩話文敏平生喜金石書畫之學值南齋最久曾命校石渠寶笈光緒中葉常熟吳縣提倡風雅海內名蹟輻輳其門爭欲得公一言為之論定承平文物之盛使人神往詩非專家然學人之詩自無凡豔遺集為其子編定僅上下兩卷所作殆不止此也

潘伯寅侍郎滂喜齋揚先秦彝器歌

司農堂前百寶羅乙爵辛占相擊摩周季保彝季忝鼎邵

鐘魯鬻紩王盃更有召中生姒隔世間此物存豈多鯁生

登堂揚百本青氈翠墨親摩挲攷文釋器徵所出長安易

水太山阿旨日父辛爵日乙先後毫社追猗那爵上土花

沒瑤飾一文當柱形如禾中流及緣作亞字朝餞饋獻應

同科乙辛柔日皆內事

古器父乙父辛等款識舊說為造器人名阮氏謂為作器次第按曲

禮外事用剛日內事用柔日鄭氏注內事如宗廟之祭是

陳氏注剛日如甲丙戊庚壬柔日如乙丁己辛癸按彝器

有作文父日辛烈考日庚等古義簡所無枝柯父乙爵更

識則甲乙明為紀日無疑

有一器特精好是名曰盃讀如和也初學記即引作和王

氏說文句讀謂盃疑後入從禾得聲非後起我於音學無偏頗世人爭

詢歌麻部盡隨娑雙改娑婆尤附會者週黍吟甯知兩疊

釋非訛近人釋齊侯壘得週黍吟三字韻學家附會為周

逆黍始三字七韻不能著為定論矣此文唯斲不可讀姬

以知古器文字不可強識誤會如是

殊之夫名孰何斲王一鼎一彝皆季氏念也保也字未磨

季念鼎作鬲召中君奭裔舊姻生姒薦與蘿召中奇者魯

季保彝作鬲召中君奭裔舊姻生姒薦與蘿召中奇者魯

內小臣鬻陪臣助祭鏘鳴珂侯生作器登明堂据文義定

祭之魯內小更從邵鐘識邵後共公庚

器魯內小更從邵鐘識邵後共公庚

輿諡靡陀邵子公族美田事不須赤芾兼琚戈作鐘八肆

輿諡靡陀邵子公族美田事不須赤芾兼琚戈作鐘八肆

輿諡靡陀邵子公族美田事不須赤芾兼琚戈作鐘八肆

輿諡靡陀邵子公族美田事不須赤芾兼琚戈作鐘八肆

輿諡靡陀邵子公族美田事不須赤芾兼琚戈作鐘八肆

輿諡靡陀邵子公族美田事不須赤芾兼琚戈作鐘八肆

竊四堵革亦曰鑿

文引說文為鑿字

鼓則鼉傳聞此鐘出岸曲當

隨沂泗入黃河

邵三鐘

司農讀書天祿閣古文奇字共切磋

從茲蒐采富藏弄大收倉籀窮羲娥愧余裝治止墨本匱

笥滲潔生青螺是日揚者人盡酒吳

清卿孫問齋

二胡伯

石顏已配

戚武毅公寶刀歌謝萊陽徐明府桂寶同年

昔年曾刻南塘集今朝喜得戚家刀
刀輕如紙光如水兩行款識秋芒豪
上鑄萬曆十年字是時公居薊鎮地
登州戚氏岳家軍鑄刀初成姓為記
憶昔浙閩與三邊公所到處皆凌煙
虜酒朔風不成醉精神炯炯三百年
幾經流傳濟南驛徐侯得之若拱璧
銀函未改明時裝鵬鵠血染苔花碧
我今持節過萊陽下馬直上徐侯堂
徐侯寶刀舉相

贈知余團練兼禦防千金挂樹生不疑楚弓楚得千古奇
即今防邊無二義關東諸將何離披北洋舟師更無論一
擲二千六百萬遂令窮島逞天驕海夾鰕夷任滋蔓朝廷
命我治鄉兵徐侯與我同歲生俯仰東南天半壁酒酣斫
地淚縱橫

左紹佐字笏卿應山人光緒庚辰進士改庶吉士授刑

部主事歷官廣東南韶連兵備道有竹勿生詩鈔

詩話笏卿早擅才華為張文襄所識拔採其文入江
漢炳靈集為時傳誦初以拔貢官秋曹入詞林散館
復隸原部歸鄂掌教久之始出在諫垣時數論時政
頗有遠識晚乃得嶺南一道著述甚富僅見其晚年
之作

送張次珊通政 仲斫 歸湖北

已聽斯人去時危當奈何三年同白社六月渡黃河匹馬

關程遠驚蟬驛路多我魂招不得合眼是兵戈

南韶使者歌

填詞作詩亦不惡焉用聚鐵鑄大錯南韶使者舊臺臣迂
性與時常柄鑿旅食京華三十年鴟鸞隊底藏孤鶴踪跡
看如水上萍交游半似風中蕓而今已是白頭翁坐對疲
氓意蕭索眼前書卷一秋檠夢裏溪山幾芒屨高談欲吐
覺心慵良法思行苦才薄皎皎圓蟾竹映窗沈沈苦雨苔
欺閣生涯醉醒自無聊世事蒼黃吁可愕鹿門深處近吾
家歸與龐公行采藥

和江杏村侍御

春霖

都門留別詩

閩粵東南地接連寫情還託衍波箋買生畢竟能憂漢樂
毅何曾欲去燕世事浮雲聊送眼吾儕何日更隨肩都門

帳飲車如水脫手新詩萬口傳

滬上晤朱古微侍郎

祖謀

張次珊通參

仲炘

白社凋零老若何貞元朝士更無多五更殘夢餘疏點一局枯棋值爛柯懷藥有人居月殿乘槎無路向天河蘭成蕭瑟還詞賦百丈山頭日已矧

題翁文恭公

同蘇

家書遺札爲孫師鄭吏部

雄作

韋平家世燕許筆文采風流俱第一臨池灑翰自天性精能上與顏楊匹水鏡衡才玉尺量陰陰桃李在門牆君稱提瑟升堂者我亦追隨弟子行蓬萊浪高引舟處何期海畔生童桑家書乃在歲丁丑舊學甘盤資啟牖湖山收身早在念淡泊豈落疏傅後處人骨肉良大難升沈有數非偶然身後易名無溢美此心皓月當中天平生一掬羊曇

淚東城寂寞迴車地泰山流落只毫芒後五百年彌珍貴

安維峻字曉峯秦安人光緒庚辰進士歷官福建道監

察御史有望雲山房詩集

詩話甲午之冬東事方棘曉峯上疏語絕懣坐是謫
戊初出塞有集句詩曰一封朝奏九重天萬事傷心
在目前好脫儒冠從校尉征途行色慘風煙及居塞
上五年釋還又有集句詩曰馬首東來知是誰鄉書
無雁到家遲隴頭流水關
山月準擬人看似舊時

出大境門沿西溝行觀元寶山用陶公還舊居韻

關柳已春色出門何所歸行行見流水嗚咽鳴聲悲涓流
豈無補江河日以非願言激清波顧影亦子遺柳腰風前
折斌媚空依依培塿無松柏此理宜窮推華風漸夷俗吾
道何其衰知音念鍾子援琴爲汝揮

夕陽下山去緩緩踏春歸欲賦王孫草恐增游子悲草亦

報春暉柰何人獨非顧惟蒼蒼者棄我竟如遺霄漢不得
上一枝聊可依器之真鐵漢謬爲世所推浮雲蔽白日掃
除力未衰誓將縛大帚爲天效一揮

次韻答鍾愚公

兀自傷秋計已癡百年世事一枰棋祇應梅福稱仙尉誰
道王敦是可兒夢裏狂言猶草疏春來轉瞬卽瓜時天涯
亦有濠梁客話到忘機兩不知

王頌蔚號芾卿又號蒿隱長洲人光緒庚辰進士改庶
吉士歷官戶部郎中有寫禮廡遺著

詩話芾卿與葉鞠裳同受訓詁之學於潘邕侯吳中
學者王葉齊名翁文恭潘文勤雅重芾卿與文勤爲
中表戚顧於譚學問外絕不干以私事散館改官意
泊如也補軍機章京退直輒手一編嘗於方略館故
紙堆中見殿版初印明史殘本眉上黏有黃籤審爲
乾隆朝擬撰考證未竟之本遂逐條釐訂芾繁擷要

成明史考證摭逸三十餘卷甲午中日之役多所建
議次年和議成悲憤累日遽以疾歿平生致力最勤
者則爲周官義疏惜未成書餘如金石
目錄皆有著述詩思淵密雅善長篇

病中蒙潘伯寅少宰餉羣籍並示消夏六詠率成長

歌跋於紙尾

長安六月積淫潦鍵關卧病車罕過欲藉古人起廢疾隨
身書卷攜無多倅來陳訊走流汗瑤華循誦顏先和發函
突兀見精蘊如遇盧扁療沈疴諸公袞袞富述作津逮末
學猶江河消夏六詠最奇崛知君饜古窮羲媧南皮張飲
自矜許鄴中七子眞么麼何如銳精究篆古取證經義功
不磨少宰齋中富藏弄商周典物如星羅抉揚土花發奇
字粟雨鬼哭羣靈呵吉金摹据良不易康成誤解鳳尾娑
盃煮薦體本非鑊孫陸瞽說殊沿訛希馮迺以盃爲味玉

篇傳後將誰訛頡誦不作古文晦弔釋爲張池爲沱京洛

冠蓋揜羣雅岫穆雖博難同科沙南片石釋者眇安世默

識論不頗張君獲奮字誼本浚長鉤据脫盡前人窠隱侯

見之必狂喜可惜宿草歸山阿沈孝廉古印纍纍亦典貴

羸劉爵號能縷觀持此上補百官表淹貫豈讓扶風娥咄

哉彥遠不識字胡言斲玉藐毋馱見法書石齋遺硯失復

得流傳墨妙由東坡羣兒但寶香姜瓦狗腳於鄴焉足訶

世間神物各有數漢百碑硯歸煙蘿漢百碑硯聞已不

會藏書甲天下絳雲傳是揚其波佞宋主人最後起愛書

成癖猶金陀一歷百宋悉善本況有澗翁相切劘越來溪

邊石鼓吼南中舊槩灰兵戈君家賜書本充棟一朝化去

如龍梭方今粲晏右文學明堂黼黻登雅歌少宰徧窺中

祕籍論思局禁吟羔純月廩悉以置篇簡古綈鼈首熏沈
螺推揚文史盍朋哉躡履蹋殘廳事莎孤寒三百盡頰首
搜揚潛逸來槃邁男兒性命在文字一卷能壽非坎軻升
首盡載士安序傳播奚止一刹那走也淺學本膚受石墨
金薤空摩挲觀碑太學但自恨鱣柳不辨成蹉跎君今贈
我宛委祕貧兒暴富慚顏醜惜我不尋比鄰住假觀寶墨
窮籀蝌會當歸去訪林屋禹書竊讀驚蛟鼉

蔚北來時與葉子鞠裳訂
初冬游包山

東坡生日高碧湄刺史劉泖生司馬招集傅星槎太

守寓齋同楊見山丈葉鞠裳同年賦

風雪十日不放晴城南裏跡年崢嶸勝流走簡辱蓬葦招
我來莅新詩盟今年太歲建丙子支干正協眉山生酌取

寒泉設嘉祀選勝近就糜都兵是時園中梅破萼玉龍起
舞笛吹落主客忘形倒濁醪酒香花氣侵簾幕恍疑身在
小羅浮醉起折枝酬玉局公昔信宿來吳中實惟甲寅之
春癸丑冬觀鐙曾和王規父飲酒還過閭邱公三瑞堂與
虎邱寺城西往往留雪鴻可憐命宮坐磨蝎九死孤臣海
南謫蠻唱黎歌客倦聽吳天回首渺何極契順遠來詢起
居十頌寒山慰岑寂當年置酒赤壁磯江上獻壽豪情飛
紫裘王郎奏新弄驚起烏鵲無枝依八百卅年一彈指笠
屐丰神尙如此洄酌亭上識遺像鬚眉雅與陶廬似清都
道士徑幽琳與公生年同丙子更有幕府老沈遠飄泊廣
南窮不死三人蹤跡渺難詳皆以生年顯驥尾先輩風流
賦樂神良會自昔推綿津後來冶城更繼起孫郎才調高

絕倫我吳壇坵久無主題襟誰復聯今兩家家腹臘祀黃
羊不爲髯翁薦芳醴風雅主持賴寓賢玉梅花下分朋箋
醉寫松鶴爲公壽南飛一曲娛神絃若準賈島祭詩例遲
鴻最是嘔心篇下走深慚與雅集圍鑪歡笑驅煙墨但願
朋好不分張白髮年年作生日

輓高碧湄刺史

逝水不亭壑賈槁無還枝年命嗒然謝顏跼同所歸獨茲
赫赫名不隨秋草萎翰墨有勳績政化有去思硜硜高使
君挺秀西江廩宅性固英亮蘊才特瓌奇豫章魁壘藪易
堂揚其藜近稍鶩空誕侗說無垠涯繫君媚古學眾籍勤
討治故訓師浚長靡綺斥總持鑽玩日以久下筆言纒纒
江山發奇藻金石助偉辭上者排屈宋次亦體陶韋斯道

久堙暖顛倒造化兒高才坐磨蝎殺譎黑與雌謂當揆天
庭激昂青雲姿威鳳一振翰乃墮枳棘卑文章滿人口焉
掾臣朔飢故鄉正淪莽鞶鼓天南陲歸耕守妻子荒山蕨
不肥長揖就幕府感此國土知

謂曾文正

決勝千里外石畫洞

險夷倚馬文立就輩流交嗟咨量采不終闕神駿無久羈
遂以令僕才枉屈理繭絲隨車澍甘雨吳儂春熙熙拔薤
億疆衙破柱禽姦私亮哉神明吏諸曹不敢欺倣俗假神
鬼荆巫而越襪青溪蔣侯廟雲陽帖鄴祠自從潛庵後光
景仍閃屍君獨奮廉蘇祕祝毆妖尼沈履與竈髻山娶立
時墮

君知吳縣毀
清明山淫祠

汪汪太湖水灌我千頃陂葑菱漸堙塞

撩淺伊誰施吳西十萬井歎曠驚圻龜惟君軫民隱溝洫
書勤披露冕涉坳晦紆籌疏淪宜周覽地形勢脫略官威

儀畚畝及時奮雙流醜以廝鄭曰永利賴眈衣之食之橫浚

金枝功德在蒼赤豈少遺愛碑獨不悅大姓彊項難透池

修篠有勁節幽蘭無俗輝退食理琴歎倒著白接羅二三

歲寒友步履相追隨閉關或頌酒聯轡惟為詩浮雲空得

失眾煦徒爾為嗟君不偶俗過嚴澠與淄平生青白眼何

能悅蚩蚩天亦忌才雋張角叢欽熾一官且未達胡乃朝

露晞伊余溯江上舟行彭郎磯遠眺雙石鐘孤煙入翠微

羨君家山好只合卧荆扉豈料黃獨在杜陵歸無期今夏

予遄返嘗一過君篻手搖蒲葵扇劇談風生頤座有傳鶉

觚星槎合并喜一時何圖素心契從此長別離天涯傳噩

耗聞之駭且疑卧病閱幾日服藥凡幾劑奄忽如此遽是

否誤庸醫君負七尺表落落長松搢賦質極純固理當登

梨眉云何不半百中道崇醜夔君弟吏秦隴能聲隆隆馳
驚聞鄂跣折能勿摧心脾君有二藐孤少者纔勝衣父書
信能讀門戶未易支想君屬纊辰神識亮勿衰興言念貽
厥淚下當如縻一廛寄吾吳鷓鴣枝可依曾樓高切雲中
度千書紙君於寓館起樓貯書其中今夏始落成日夕板牀坐淵淵聞唔呀
君委恆幹去魂魄當樂斯蛹死有遺繭龍化仍留漉一編
志微錄集名香草規湘纍風旨極深隱字字吟五噫疇昔孝
標逝柳生刺史君爲理篋遺禮堂幸未軼古誼良所稀今君甫
寫定後死更責誰賤子困行役側身涕漣洏年年賦傷逝
奚止黃墟悲恨無拚飛翼絮酒薦君帷遠念腹痛語泚筆

哀江離

書伯蘭員外 孚馨 詩集後

擗然天樂韻韶莖威鳳丹山羽夙成帝室雅才劉子政郎
官俊望柳耆卿江山奇氣歸吟筆絲竹中年寫至情話到
東阿舊儔侶端居每感綠苔生

陳培之
郎中

袁礮秋主政枉詩見贈次韻答之并效其體

高三十五今宿草

謂碧
湄

疇昔屢道袁生奇薜若學人適我

願俶儻詩史非君誰搶枋奚恤鸞鳩笑棲棘祇憐鸞鳳姿

正賴使圖訂方國

君在譯署
繪邊界圖

漫將海棗斥安期

題徐昭法山水

乙酉春閱海王肆此幀弃置牆壁間蝨齧蠅玷識者少購
之三百青銅錢拂拭錦贖露奇秀平遠如見江南山昭法
先生昔飛遜弱冠早賦招隱篇布衣草履絕城市澗上上
沙誅一塵終身不受安邑餽日高往往無鶯煙潛庵慕道

屏車騎末由一觀園綺顏俗流好事幻履鼎謂曾造鄰相

周旋骨董之羹不足道獨惜輕礪貞玉堅梁蔭林筆記據潛庵手蹟謂曾

見過昭法此出骨董家偽造不足憑也作此畫時歲癸酉是為康熙卅二年

不署元號題甲子柴桑思晉心曠然先生時年七十二愁

遺一老應華顛越歲甲戌便委蛻遺人間世登上僊先生卒於

康熙甲戌我因重續圖經記十年前曾寓瀆川閒隨巾拂拜祠

下寒泉秋菊歌神弦澗戶無人夕陽靜時有白鶴飛上天

水流繞屋巖花笑但聞琴筑鳴涓涓上沙祠極卑溼于今聊浪萬

人海青山不到軒窗前芝訕鶴怨良自媿衣化為緇何能

渝秋風起兮我當去扁舟采蓴西澗邊

丁松生文瀾歸書圖

孝惠始除挾書律屋壁山巖稍稍出是時篇牘極重大聯

以縹繩書以漆孝經行疏策謙半儀禮疏酒誥文繁簡脫一

漢書藝文志蜀客奏賦鉛須懷吳人炙字青乃殺風俗通義代以縑

素便齋持書之赫蹏致縝密自是篇卷匙淪蕪荀經阮錄

代增益觀文實儲五十副江陵尚存七萬帙長興雕印既

確與孟蜀書林更物溢官本監本繡梓精晁氏陳氏簿錄

悉勤有堂惟仁仲遺元之建安余氏勤有堂當是仁仲之後睦親鋪乃道人

設宋陳道人書籍在臨安府柵北睦親坊金於平水置書肆元之興文務雕

版有明一代匙善本嘉隆以後槩尤劣秦晉趙藩皆刻書

不及會通與蘭雪會通館蘭雪堂皆活字版也姚皇象趙清吳方沈與好

迓寫葉文莊顧大錢蒙毛子善鑒別宋元舊本什湮九賴有

諸賢訂墜缺我朝稽古軼漢唐延閣尊藏切雲棗 純廟

特開獻書路謁者求遍東西浙大舡剗除方輿偽汲豕攬

護師春逸序錄校上義放劉活版排成製沿畢草茅未窺
中祕書三閣儲珍逮英哲家家樂獻雞次典人人許入龍
威穴然脂懷餅士麇來從此儒風振揚越上者古訓鉤鄭
服次亦騷情揜賈屈餘子斷斷講版本元鈔宋槧森羅列
振綺汪暨拜經吳百宋一廛最奇崛云何菑晚極庚辛焚
如毒甚瀉池厄豈獨縑素充帷囊直以經典代薪爇湘鄉
相公老開府手掃凶欒扶日月邵亭厄厄求遺書曾文正定安慶
命莫子偲大令采訪遺書既復江甯亟開書局刊刻經史四部先刊甲與乙同時爰有
丁龍泓祕閣篇亡心苑結抱持愈比杜林薶蒐集無逾任
昉切禮典往往出秦餘目錄一一訂魏闕隋志魏闕書目錄一卷珪
零錦斷好護持劍合珠還漸充實其功不在陳農下此事
留待程俱說程俱麟臺故事載宋藏書之事甚詳永嘉舊本世尙多安得先

生盡拳擷往在蘇肆見楚辭章句疑耀駱賓王集等書亦文瀾閣物邇來橫海肆樓船

漢廷未暇修儒術頗聞守藏史不慎文德官書半放失樂

大典藏翰林院今存八百餘册子雲老作輜軒語素齋歸致並精絕楊新吾廣

文在日本搜羅古籍黎純齋觀察海外不乏歆向流赤軸刻成古逸叢書皆人間未見書也

青紙肆鉤抉日人澀江全善森立之同撰經籍訪古志所載各書頗多奇祕我思拄杖醫

無閭一探東丹讀書室慧琳大藏音義日本人得諸高麗然則高麗固不乏古書也

送黃公度隨使歐洲

廣南古奧區魁奇所叢育我友黃長睿負才尤絕俗劬古

得謨觴討今圖畿服十上不得志神駒恥趨趨爰作汗漫

游西行指柳穀在昔遼大石曾收印都族元祖見角端亦

著親征錄兩朝逞兵棱皆至海西曲沈了何願船號方聞迄

未定員幅煩君亟攷實歸來共揚摧大典圖書淵漁獵資

來學歲久漸淪蕪往往山巖伏頗聞倫敦城橐尙盈兩屋

顛君勤搜訪寄我采遺目

大典今存翰林院者祇八百餘冊傳聞英人購去儲博物院

宣廟昔季年海氛始漸張煙禁既大弛五口遂通商埔頭

日以闢遍地班蘭裳邇來設海部相率談自疆旣購克虜

礮復置毛瑟槍峩峩鋼鐵甲靡千億佛郎利器不善用適

以齎盜糧金錢日外溢卮漏未渠央生民剝膏血坐是羸

且尪小夫驚執利狗態而愍腸器必尙服匿食亦羅漣漿

舌人語羸解著論已汪洋鄒衍書未讀便欲非三王藉此

弋聲譽取爵如爛羊可憐好家居都被織兒撞望君作砥

柱努力事修攘管子權輕重商務卽濫觴墨子著經說起

重理已詳禮失求諸野制夷師夷長

魏邵陽語

要令重九譯事

我皇哉唐

王蘭字醉香歸安人光緒庚辰進士官戶部主事

過東塾陳先生故居

百年不可待當代失人師檢點遺書在徒令後死悲式閻

應有禮講學可無祠

及門諸子就菊坡精舍講堂之右爲祠以祀

宗派殊紛糾

中流更付誰

龐鴻書字劬庵號鬪亭常熟人光緒庚辰進士改庶吉

士授編修官至貴州巡撫有歸田吟藁

雙銀杏歌

霜林脫盡長風勁老榦凌空勢特橫叢祠野岸俯寒潮對
立隱然君子正或云平仲乃古名葉如鴨腳森高擎肌理
細密類文木雕鑄裁製最中程仰觀有如雙闕列巨可蔽
牛堅多節膚皴石骨旁生瘦枝蟠篆勢力屈鐵千年靈根

逃斧柯盤鬱不啻藏巖阿若非里社耆年慎護惜定煩雙
忠靈爽爲搗呵松禪作圖下筆迅咫尺儼如聳百仞寒林
詎必仿李成枯樹應知傷庾信我來摩挲坐樹側重披斯
圖三歎息圖今與樹屹相向喬木依然令人軾君不見梁
時七檜析作薪星壇荒穢叢荆榛又不見紅豆山莊化塵
坭野田孤榦無人問獨留此樹依寒塘兩虬挺角立不僵
櫟社未邀匠石顧豈有黃鵠來翱翔亦知材大古難用磊
砢猶應爲世重小山之招在何許更擬作亭效楚頌舉杯
相酌仍留連回看林杪生暮煙息盦髯叟詩在手我欲和
之寫向石之右

周夢坡得貝葉梵文無量壽經將施諸西湖靈峯寺

法藏書來徵詩

蘭臺漆書成劫燼竹簡徒聞發汲郡大秦羊皮鞞而澤海
外流傳亦已僅祇園之樹森貝多諸佛成道嘗摩挲異種
來從阿耨達高柯不減必鉢羅寫經功德虔釋子彼方初
未有側理傳樵梵本禮牟尼蘆爲不律葉爲紙華嚴字母
義蘊深宛轉能該一切音寫成誦習託忒語海潮音遍旃
檀林靈文次第來中土繙經臺開互編組流支羅什各潤
色諸家定本或異詁初祖西來闢上乘埽除文字說傳鐙
競依高座證密諦誰向珠林溯結繩夢坡居士今摩詰雅
愛聰琴與殊蜜駐足時聞簷蔔香寶蓋飛來照丈室忽從
異域得元珠不啻漢史藏壺祕篋攜來有耶舍真詮譯
出須曇謨靈峯連麓呼猿洞梅花彈徹聽三弄護持大藏
度高閣珍斯梵夾薦法供金牛湖上參金仙寶光應燭兜

率天山中老宿慎保守好與龍泓補舊緣

和城南漁隱送春詩

陳宮玉樹倏歌殘怕見飛花陣作團滿院陰濃誰是主一
池波皺詎無干頻將風信從頭數漫與星娥冷眼看稚筍
籬根勤護惜猶應日日報平安

吳興劉翰貽以新刊雪橋詩話寄贈作此答謝

河岳英靈炳日星百年壇坫有遺型雞林聲價誰重問收
拾都歸野史亭

黃紹箕字仲弢號鮮菴瑞安人光緒庚辰進士改庶吉

士授編修歷官湖北提學使有鮮菴遺藁

詩話仲弢少承家學及入詞館雅負時名甲午後志
在經世多讀有用之書戊戌黨禍翰海自全丙午以
考察學務赴日本為其國學者推重詩不輕作亦
不存歿後如皋冒廣生從他處輯錄曾為余題北江

舊廬圖云卷施之門如鐵立百輩伸頭不容入藕花
開落經百霜晚得徐君掇其實先生直節高岩堯大
名上答慈母勞疾雷崇朝灑苦雨至今蘿竹干雲霄
徐君抗古生苦後哀哀劬勞亦有母出門橫覽歸太
息夢覩英靈一奉手乾嘉鼎盛多文儒摹寫馨逸心
自殊北江京華屢傲居君亦一宿猶蘧廬畫圖文字
皆寄耳萬事遷賢神明居蕭然四壁皆六合欲與幹
運元黃初涉江南征及徂暑舊是先生經行處道逢
佳卉似圖中詔
我種作庭前樹

題王幼霞秋暮懷人圖圖爲某君寄江總棲霞寺斷

碑作

涼蟾窺戶天雨霜草木黃落雁南翔所思遠道不可見何
以遺我球琳琅琅南朝令僕兒戲耳文字翩翩差可喜缺碑
盤木昔所嗟丹青不渝今復爾憶昨將車鍾阜側過江名
士多於鯽酒酣說劍無留行念君縱橫埽破墨去年秋余
侍家大人
至金陵時節庵主鍾山講筱珊
嚴颺颺颺違清尊芟荷落
芸子季直禮卿伯嚴皆會焉

盡風漪痕青山一髮江南路我亦悽神虞道園

題黃山谷三游洞題名

光緒癸卯七月五日訪叔弟縵庵於宜昌八月五日偕至三游

洞於洞內深黑處得山谷老人題名按山谷以紹聖二年謫黔州時年五十一伯氏元明同行黔南道中日記云三月辛亥次下牢關此刻正在其時三月下即辛亥二字也辛亥時為巫山尉子大方竝侍行紘字系旁視放翁入蜀時所見已少泐矣流傳絕少燕火摩娑歡喜贊歎

涪翁西行五十一我今五十學隨緣風中鴻雁重來集過

眼江山九百年

萬鏃離絃韻有餘鶴銘雁塔勢縈紆此行人與書俱老悟

入長年打槳初

巖岫新奇未賦詩重局秉燭有微思散花一著終成累寄

語人天共護持

聞一妄人欲剗去刻別字有尼之者得幸存陳雲仲太守屬為勒石其旁護之

題歐陽公三游洞題名

十六日再至三游洞又得歐陽公題名石刻於洞內右壁

校放翁入蜀記字略同惟四字下年字今全泐丁
字下諦審是元珍二字為歐公同年丁寶臣之字
南宋時已為妄人加刻畫故放翁疑其不類耳岫
穴深黝塵翳已久初至竟失之宜居人過客之不
及知也六一題名
尤罕見致足寶貴

彝陵山水奇入峽此東道千峯繚翠壁劃然發天巧元白
蘇黃陸行旅有述造千載山主人卓犖餘文藻放翁昔搜
尋泐缺知已早拂塵驚乍見懽若墨未燥石麤故易剝穴
黑得常保公昔奉母來江鄉足魚稻縣樓日對山覃孥職
方考公為令時纂五代史嘲弄時間作吏牘禩詩稟想當清秋初泝
川消積潦石乳凝雲扁巖蔬照晴昊判官夙同調緣險恣
幽討淋漓修史筆懸壁偶一埽引繩無敲斜濡豪絕瘠槁
乃知大賢心精氣常在抱令君無結銜庭趨甯足惱公視
官如家視民如襁褓追俗玩歲月自分桐鄉老豈知屢起

蹶入沐鬢已皓夢中渡橫查苦憶山縣好東山有題詠漢
廟聞祈禱遺文猶在誦貞石翳荒草寥寥殘字在永爲茲
山寶

縵庵合裝歐黃題名懸齋壁並題一詩卽以爲別

廬陵少孤貧不憂登朝一節論千秋波中金石仰看物著
書不足來尋幽維摩老子稍後進文章不同有心印書骨
權奇如其人未得書碑聊自運歐公至喜堂記山谷書園
初殘石尙在徧訪不可得
當是東還二公氣立萬物表白傅西來恨太早中間題壁
後所書

有蘇公作詩父子三人同蘇公兄弟晚飄泊壁詩磨滅無

由蹤三蘇至三游洞皆有詩東坡有三絕
句留石壁放翁已不見知磨滅久矣尹余繼去眾已

駭元祐黨碑滿天下平生師友如雲龍萬事升沈付埃馬
歐公有母黃有兄至樂天與誰能傷但說山川蒙藻績豈

知點畫含風霜縵庵縵庵來惜別吾家風義足可惜公家
事了栽紅梨烹茶讀書且面壁

題林文忠日記

撮土湮河計已疏邵陽平議意何如玉堂風日清閒甚頗
擅當時院體書

題陶齋所藏秦權

秦廿六年并天下刻辭金石壹華夏萬事如畫明無疑咸
陽宮中鹿化馬百斤量衡書中程千石鑄鏐金銷兵此權
當時在何許王府和鈞儻有名尙書者奇勤攷釋藏權凡
七此盈石隗林隗狀知誰何太息摩挲相斯蹟

題李文石太守明湖秋泛圖

岱陰透迤截濟瀆骨走鵲華才一束涌泉望海無由趨萬

斛珠璣落鼎腹大明寺杏楸桐高厯下亭存荷蓼馥我侍
輶傳三春風坐卧湖濬飲山滌晴嵐摩空起南障時權波
心拾蒼玉遠懷濟南名士多于鱗貽上不可復柳零一遂
寒燕歸憔悴煙條爲君綠紅螺公子昔妙年天藻秀出乾
嘉前暫依芙蓉泛綠水繁會竽瑟張瓊筵青簾白舫到秋
晚往往醉筆回春妍海棠泮邊舊埽石牛鐸安得黃鐘聯
不惜我歸遽不惜君來暮但惜湖山明麗無處無條忽轉
蓬云何住廿年交臂鬢頭霜同照黃河濁流處披尋游蹟
墮渺茫何況白雪夫于翳荒樹我家甌海君遼河風雲變
態朝昏多巫閭雁蕩倚天望念此坐損朱顏酖卽看圖中
歌舞意絳唇玉貌今柰何但說淨地如明鏡焉知新水非
故波波流自轉心自定人濁何由我獨淨要迴眾生大海

光與君共適濠梁性浩然東顧發長謳他日臨流須一證

留別編書局同人

少作雕蟲悔已多九流晚出各殊科微言大義愁乖絕舊
學新知賴切磋黃帝教來烏拉嶺素王書過幹難河鎔模
采算勞甄錄江上精盧眼細摩

留別譯學館同事諸君

結想無窮力不任住思避席去沾襟倚蘭傍玉愁非質叩
角鳴宮感合音風暝漸扶荷出水露濃剛護柳成陰漢江
夜夜嬋娟月長照佳人萬里心

留別譯學館諸生

仍歲公宮左相將望玉繩范金空有願攻錯媿無能浩劫
三彈指良醫九折肱憂時與惜別此意淚難勝

象胥周諭說翰使漢方言官失才難就時窮學愈尊峻嶒
憐歲月辛苦拄乾坤老病滄江去相期答聖恩

遷居學署答梁節庵同年

一笑相逢念九春驚看萬事逐年新定巢畫閣分鄰燕入
夢香爐識殿麈歲月崢嶸容暫合乾坤蕩莽老逾親病中
種樹從君學留待成陰付後人

過盧生祠作

河朔英宗妙少年津梁未倦遂超然霓裳法曲昇僊頌虛
擬凌雲亦可憐

王詠霓字子裳黃巖人光緒庚辰進士歷官鳳陽知府

有函雅堂集

會向

明正私言卷一百一十一
會向湖山走馬來側身高望一銜杯銷沈龍虎餘王氣莽
蕩乾坤憶霸才百代衣冠空梓椽千春金蜚出蒿萊昨宵
倚枕秋風急夢入華胥又放回

送高儀卿廣文鴻歸海昌

廣文先生老講畫白首翻然懷故鄉書學逼真韓禮器清
時無恙魯靈光吟鞭穩遣兒曹執餞榼猶多弟子行向後
支筇暢游覽鹽官春發萬花塘

鄧嘉純字笏臣江甯人光緒庚辰進士歷官處州知府

山行卽事

洒鐙吟鞭及早秋山中景物劇清幽漚麻村落水當戶種
菊人家霜滿樓崖樹倒懸牛礪角溪鱗潛動鷺低頭據鞍
顧盼忘飢渴一味清涼散客愁

西師

隴右仍烽燧關中倏犬羊頗思蕭相國願覲郭汾陽道遠
軍儲竭風顛大樹僵愁看日落處塵霧混微茫

題畫

瓜皮艇子繫江干江水茫茫江月寒人與沙鷗齊睡熟蘆
花偷上釣魚竿

袁鵬圖字海帆天台人光緒庚辰進士改庶吉士授建
安知縣有袁太史遺詩

送友人南旋

歛然聲價出江東力守經師繼漢風香國奇才如子少天
涯涕淚幾人同自慚待詔金門側常共深談漆室中朝野
恬熙吾輩老憑誰上策定和戎

毛澂字叔雲仁壽人光緒庚辰進士改庶吉士授滕縣

知縣有穉游詩集

詩話叔雲早有文譽與喬茂軒左丞齊名座主吳子
儁編修爲賦蜀兩生行作合河濟間善治盜書生而
有健吏之稱詩才藻麗鋒發有西園引用長慶體賦
圓明園舊事篇長不錄其迺鍊者差有玉溪深婉之
意

揚州文匯閣四庫全書殘葉歌

純皇邇治深宮閒羽陵蠹簡高於山飛仙捲幔帳殿啟袞
衣步坐開天顏親御丹毫加點勘漏箭將終月西暗翻然
藜火照人間欲網珊瑚歸鐵纜荒林破冢夜有光東壁射
地寒生芒大開虎觀購遺佚九州岳牧皆奔忙諸儒校纂
目睛喪直拓殿庭排縹緗侍書內史跪進膳玉觥滿飫蒲
萄漿序錄初成屢召見跼聆褒貶提宏綱字字曾過聖人

手每逢子午生天香更憐禁籙人罕至特貯行宮及山寺
此事古無今始聞萬手叢鈔衍巾笥老龍借讀亦解嘲五
更攫取乘風濤蒼崖很石爪痕裂琅函半惹腥涎膠轉眼
邗溝烽火急按籍徵名百亡十金山樓閣燒成灰西湖棄
紙無人拾一編乍展先鳴悵段段銀光布紋澀摩挲想見
乾隆日崇文總目那能及牆隈短檠秋雨溼空山回首飛
雲立腐儒寒餓何能爲獨抱殘經草間泣

萬壽閣對月望嶽

春月升首陽照見希夷宅清光滿關中不與大河隔三峯
吐靈氣縹緲越終夕仙掌金風寒涼露下流腋誰傾東海
水洗此月上石竹柏莖稀微淡墨繪虛白丹房發椒光巖
畔大星赤短松如老翁散髮蒼龍脊彷彿玉女鬟香雲起

益圻欲歸顧我影我影布瑤席鐘聲忽飄墮無人半天碧
渡海

夜上碣石門青氣如燈懸揚舲出浦口沙草黃無邊隴山
望孤嶠歧海侵秋暝朱燵燭錦泖綠煙冒鹽田地高樹猶
見隄隱波始圓去鳥識遼水落日知吳天冷冰紫瓊冷陰
火丹渠然文螺化鸚鵡彩蚌媿蟬娟拾月惡溪詠阻風春
草篇無爲效安石酣暢催言旋

簸卻蓬萊山填取碧圓海玉沙清淺流種桑應好在傳聞
祖洲上瓊田收十倍菰苗如翠眉旭露發紅彩褰裳不肯
去祖龍老應悔蒼苔鞭石橋沈波卧千載白日那可駐青
春向誰買壺頂芝正肥遲回欲何待

舟軋水底天笑指石上月玉珧照珠池蚌華被銀闕鵬鸞

四溟翻鼇抃五嶽沒縱任無遠近憑虛得超越儻遂凌朱
厓何由鍊金骨甘英度西海終童下南粵壯游恐不遂江
晚蕙芳歇峨眉歸讀書青山未華髮

軒轅

軒轅宮殿玉山西瑤水曾巡八馬蹏萬國交閭王會少七
雄裨海霸圖低從知鬪蚌無生鷓須識連雞有駭犀日入
虞淵天所覆不應空恃一丸泥

泊宜昌

江上荒城長綠苔二千年事去難回風前楚火兼星亂雲
外巴船帶月來鄉信更無寒雁寄吟聲空和暮猿哀洛陽
才子頭今白不到長沙意已灰

四時主祠望海

阿房宮殿久成灰猶賸滄溟百尺臺立石可能天作柱憑欄方信海如杯煙雲忽擁秦橋出風雨愁移越豕來楊僕樓船無一在九重空想伏波才

穆屯將歌

維州穆蕃將嘗從征江南黔中庚申將三百人援井研過吾鄉部卒置雞子掌中百步外發銃卵潰而掌不傷攪小兒餅置額上火舉餅心墜後數十步餘餅邊如環插刀於土銃響刀斷稱之輕重適均有強取市傭菜者立斬以徇與賊戰累勝同官忌之陰與賊通遂盡喪其精銳痛哭而返旋以非罪死

將軍養士如養葵發縱指喉追煙颺魚腸刷土松紋膏白羽朱肉嘯哀猱石頭城下跳重濠黔西猛獸紛騰逃紅勒盤雕蕃錦袍團花漬血鐵不撓憑軾大呼風怒號豎髮上指星生毛腰間淡淡流秋濤馬蹏四舉空中高近不見人惟見刀磨盾刮甲聲嗷嘈冤霜一夜零蓬蒿旂常日月無

勳勞國士坐法緣連敖符鳩啞啞悲雲旌陸剗犀兕水斷
鼇兜鍪貂蟬榮汝曹

峨眉縣

古槐夾道小郵亭蠟樹平田歲暮青水色過清知雪化土
膏微冷帶雲腥農分供石爭山界僧送春茶入縣庭只有
中峨眉看不足乍如眉影乍如屏峨眉應以二峨爲正未至
縣數十里卽望見翠屏在
煙霧中一日天霽忽變蛾眉
乃知前者雲氣攔山腰耳

登峨眉

岷南土色赤返照萬峯濯金燄出火山槎枒歧鹿角今夕
尙在平不寐聽仙樂山影墨頭上天倒壓屋桷推窗看西
嶺林木遠如幄月落未落時紫翠眩斑剝三峨蕩雲海波
心一錐卓光怪悸我魂夜寒夢游嶽

斜徑出林薄，彎弓彀飛橋。黑白二蛟舞，對戲千珠跳。風漪細皮皺，觸首朱欄搖。迅雷轉萬壑，亂石鳴簫韶。楚狂洗耳聽，五夜迴松濤。鳳兮作歌去，華巖山月高。

獨行天門口，手掠太白腳。山下暝已深，山上日猶落。何時闢空境，憑虛造樓閣。俯視不見地，積氣浩漠漠。人語煙中流，頭上孰騎鶴。霧消瞰蔥嶺，青天插霜鏑。崑崙伏檻外，墨浪盡東躍。茲游冠平生，論功策芒屨。

振衣躡金頂，捫天陷深碧。獨尋黃帝鑪，爛醉五色石。知與人境隔，今夕識何夕。夜半誤打鐘，驚落星滿席。下牀踏珠斗，拾得半規璧。夢中游化城，醒後了無跡。他日乘雲來，誰此網喬舄。

趨下大峨石，再過杪欂屮。來時險絕處，重到路欲平。風泉

灑珠玉就枕神魂清
孫翁古銅罐量藥手自烹澗篠及崖
杉火發寒琴鳴雷威披褐裘雪中聽松聲空山滅人跡知
君何處行

蓐食訪九老直入地底天秉燭暗有聲策策霜葉燃竹下
見虎跡苔上聞龍涎白雲漲幽谷小語萬竅傳老僧不識
日黑影坐一磚瓊戶莫敢撞或恐驚諸仙陰河滄海迥何
年撈鐵船雞鳴化爲石洞口迷寒煙

石上看日落赤盆爛暉檐前撫冰柱白玉大十圍著屐
草際路荷杖林中屣露下鵲初警月明僧正歸天風剪魴
綃瀑挂織玉機銀漢水氣涼暑月侵我衣想像鳳鸞舞鵝
笙吹翠微仙童化青鳥飄然雲際飛

澄碧古潭渺落木號西崖龍子三寸餘頭角藏風雷海水

縮歸鉢養此千歲孩鐵鎖南極垂石扇中天開瓊樓十日
出花發金銀臺玉女千餘人飄飄凌九垓雲璈輟靈響貽
我鏤霞杯躡煙笑相語漢武非仙才

石景山有感

昆明湖上晚煙蒼講武當年此校場霜葉高翻黃屋燾雨
莎平卧綠沈槍蜺旌不復從天下虎帳誰親近日旁六十
年間秋草淨臂鷹老校曬斜陽

道光以後三朝皆不舉大閱禮

舟曉

孤舟寒雨泊荒城風定灘低報遠更二十五聲秋點盡沙
頭人語未天明

季懈專使回卻寄

與爾當時事醉翁豈知今日獨飄蓬柴關聽雪三年後

庚辰

棧中遇
雪最多

石壁看雲九月中魚洞水來山更綠龜亭嵐破菊
初紅扁舟不得同游賞腸斷江樓一笛風

夢歸

羽衣飛過大河流下瞰陳倉舊酒樓華嶽空青鐘半夜劍
門深碧月中秋峽雲香散三千里峨眉雪光寒四百州鶴背
何人坐吹笛相逢笑語錦城頭

觀峯

封中玉暝日生煙縹緲無雙拄杖前遠翠數峯三島出空
青一氣九州圓何當過海雲如地徑欲乘風石作船蟻蝨
小臣頭已白夜壇棗脯學祈年

超然臺獨飲

我官於東不記歲胸中蟠鬱生之而幸辭奔走得閒曠如

脫桎梏離鞭笞入境喜見麥苗秀春風先已蘇瘡痍書聲

徧野訟牘少天哀老拙真相宜却洪城郭好圖畫門闌處

處蘇家詩山堂怪石散民舍西園馬廐頽無遺超然高臺

獨無恙臺人地康熙中蜀人羅廷璋為令重築海山萬疊青鬚眉廚傳雖空

似當日亦有杞菊療吾飢况聞市舶百里外吳萼越醬香

流匙鼠姑繭栗石首上桃花紅落銀刀肥縵帶魚一名銀刀海產無多於

此沙中筆管巖下月清腴不減西家施蠅生沙中以細如筆管者佳鰕附海

底巖石壳圓如月蛤之絕美者名西施舌先生舊云本為口摸金校尉甯非癡

近年提地丁漕折盈餘至三四州縣公使錢根刷已盡今

年銀貴罄所人不足供額解非鬻田宅無以償州縣求去

不得遂有無毀無譽我所願不烹不封聊爾為且學杜門

飲美酒醉後登臺來讀碑
顧蓮字香遠號復齋江蘇華亭人光緒庚辰進士改庶

吉士授梁山知縣有素心篋集

醉後述懷

露冷霜高起暮碁六張五角費沈吟春蠶自縛全身繭秋
雁終存萬里心可奈紅牆涼漢迴誰憐翠袖曉寒侵年來
亦有消愁處鐙在檠時酒乍斟

楊依斗字曉亭衡山人光緒庚辰進士官蘭山知縣有

曉亭集

慰子捷時主講琅琊書院

杯水消容橫海鱗牢愁強半付詩人東風枉屈金閨彥皓
雪宜燒石凍春明復聲名從此大文中生計未全貧歲華
好在天猶近且向寰中著此身

長空天際遠且向雲中看此

臨危重已過春開珍寶歸此

泗水清波流神機平統與半

易行自可主請更無舊

秋風半半歸亭餘山入天

長江前流遠望雲間看手

風採竹竹生山而空凌雲

香金屋空大富麻人幾五

香金屋空大富麻人幾五

香金屋空大富麻人幾五

晚晴移詩匯卷一百七十二終

晚晴謔詩匯卷一百七十二目錄

李慈銘

五十首

沈曾植

三十四首

梁鼎芬

二十六首

梨鼎茶二十六首

李慈菴

武曾蘇

新編詩話卷一百一十三

晚晴移詩匯卷一百七十三

徐世昌

李慈銘原名模字悉伯一字蓴客晚號越縵會稽人光緒庚辰進士歷官山西道監察御史有白華絳柎閣

詩集

詩話悉伯初官郎署負盛名晚始成進士擢諫垣生平博綜羣籍尤精於史今所傳越縵堂日記累數十册皆綴學論文語已刻者湖塘林館駢體文及詩集自序謂所得意莫如詩所致力莫如杜又言以一身備人世之百艱其所經者由家及國滄海之變故固亦多矣存其詩足以徵閭里之見聞鄉邦之文獻而國事朝局之是非亦或有可攷焉

癸丑除夕

元化日流行人事迺塵積得失隨雞蟲一瞬判今昔芳華轉詰朝歲事謝茲夕萬物欣懷新殘年孰知惜睽睽東方

明移眴便陳跡老盡今古人悚念百靈集

人生會有極抗志希古賢道高玩其迹文字堪鑽研兀坐
叩真得百家一無專薄植仰喬木弱羽委逝川豈不慕崇
遠頽廢難自堅彈指積前日強半成愒延且作墮地思學
語始明年

堂前陳棗栗焚香展先容墜霜無返晨驚水無迴風孤露
邁家酷一星將告終詩書藐先訓尤悔叢厥躬今辰拜階
下勝衣異兒童彷彿趨庭時懼責心忡忡仰首見遺挂欲
就將何從燭花散影堂還照萊衣紅

歡笑啟家宴明鐙亦煌煌中闈坐慈母弟妹侍兩旁兩弟
亦娶婦側坐競奉觴甘旨未取辦屠蘇且分嘗家人如列
星熠燿粲成行我母有如月團樂羅眾芒人生重侍奉此

樂殊未央願唱百年歌四海常安康

爆竹聲咽闐念我平生友祭詩孰狂歌避債孰低首推解
乏貨財事畜迫奔走鳳凰下覓食琅玕寶無有麒麟代車
牛牧豎斥其醜自好物所憎時艱道堪守及茲歲寒時寸
陰各毋負讀書在固窮作事必要久素心懷好音立言務
忠厚

薄海苦多事連年勤師征漁陽國根本賊騎猶縱橫殺氣
連晉齊重陰薄日精江淮迫歲暮蕭條無人行君王正宵
旰我憂耿難平流民鮮伏臘何以紓皇情日夕望星次行
當掃檣槍旭旦啟閭闔萬戶皆春聲

早至平水谿口登岸意行三四里至顯聖寺不入

清夢忽然碎溪喧滿孤枕推篷綠打頭亂墮松竹影及茲

朝氣爽行渡石橋近溼霧吹濛濛山意猶未醒細路春泥
明密箒曙煙隱鶯嘯茅屋幽犢卧露花冷綠鐘時見僧到
寺一水靜

潘星齋丈爲予續湖塘村居圖用曉游天王寺韻題

詩見贈疊韻奉謝

結念棲隱鄉環流面寒麓凌晨理幽榜人語出清地羣鬢
互溼翠臨谿各爲沐釣竿帶煙蘿茶臼答風竹卷簾交清
暉書帙映人綠煩公營粉本茅堂啟湖淥畫圖幸取辦魚
鳥先約束相期采金英鹿蹊踏松粟

初冬攜舟至平水谿口由望仙橋入寶嚴寺夜宿澄

公房

扁舟出東郭沿綠耶谿間水盡白雲起遂入雲門山紅樹

疊青嶂明妝耀螺鬟遠近含層霞深淺分寒煙峯陡勢欲
落飛翠忽復連曲澗蔭幽篠魚鳥媚我前時逢采樵侶踏
葉相往還山迴寺門出夕陽終古閒

雲門外六院茲地據丹麓入門仍見山古蘇一庭綠松陰

颯雙旛經壇散鑪馥龕石棲寒花廚煙出深竹頗憶湛然

師塵錫參道俗先賢習元悟往往寄高躅此寺自陶文簡與湛然結方外

之交其後祁忠肅王季重家太若先生常往來寺中國初趙逸民旬遂隱迹于此與王白岳等偁雲門十大

弟子禪房留定雲蒲褐此間宿茶火伴夜深山志靜可讀有寺

雲門志亦曰顯聖寺志趙逸民所撰天風搖殿鈴時聞暗泉續

京邸冬夜讀書

昨日中旨下率錢修離宮讀詔私太息此舉宜從容聖人
秉純孝不暇權始終長樂樓百尺積慶花千重取足天下

養承歡良無窮四海幸平壹物力猶未充島夷怙羣醜
鼯睡長安中誠宜法文景勵治威諸戎安可舍禁鑰危照甘
泉烽臺疏閒一上未得回宸衷賢傳造辟言主德本至聰
豈不念民瘼何難罷新豐事關國根本連章期諸公冗官
未食祿涕淚徒沾胸伏闕詎可效草奏誰爲通負此讀書
力僅爭章句功漆室夜深議四顧無子同

夜夢歸故園作

夜來何所夢夢歸故山廬山陰西郭外聚族橫河居宅後
十頃地旁臨官瀆湖竹圃各自闢表延半里餘家家有高
樓朱翠相縈紆吾宅割半畝面城開里閭後有樓五間青
苔黯金鋪時節偶一登憑闌俯佃漁湖光收不盡平野連
菱蒲亂帆過如葉鼓枻時相呼鷓鴣排艇列驚飛趁鷗鳧

柴霖忽中斷間以紅芙蓉此境常在目久旅徒長吁一旦
落吾手指點真畫圖青山列眉際天光在衣裾左右挹明
鏡瑠璃納窗虛七日儻不醒何必游華胥

讀明史盧象昇傳

有明季年黨禍亟朝廷甚於河北賊國有賢者孫承宗與盧
權奸所忌陷之敵忠定勤勞擅邊事忠烈桓桓眾尤恃書

生三十臨元戎文武七州得專制雷公白騎一蹶僵倚隅

逸賊賊復張驍將橫刀躍馬返頭顱一顆高迎祥彼哉亨

九亦持戈公偉常爲義真屈指蹤獮薙清中原邊吹神兵

蹋牆入十烽連報陰山破急移韋虎當關卧宣雲屹屹長

城孤東南羣盜酌酒賀黃麾下瞰甘泉宮墨經倉皇對殿

中九重不懌要人怨盡收貔虎歸軍容五千見卒奮卷出

大評決戰賈莊驛鐵騾四感煙塵昏槩折尸僵滿袍血縑
麻襯甲韉藏刀舐面風前慟故僚一死君親名義盡兩河
人鬼哭聲高百計誣降結中賢部曲傷殘責對簿戴就燒
鐵獄不移馬巖連索君猶怒樞臣亦是功名流爭功乃與
公爲仇上方賜劍不汝齒明年送汝襄王頭嗚呼高陽繼
死漳州虜城社淒涼散狐鼠誰遣中流自壞船至今淚溼
思陵土

寓山四負堂謁祁忠惠公象

嗚呼忠惠天人姿門第高華文采奇二十登科作司李蠻
陬猾吏無能欺報最俄膺諫垣擢惠文腦後尤嶽嶽鴛湖
選郎手障天一疏披雲折其角三吳地大多疆家白晝擊
鼓驚吏衙繡衣少年美如玉驄馬一出人無譁中臺入長

十三道逆黨汗流觀諫草倉皇請急歸倚廬四負名堂待

終老南都草創吳民驕公還持斧鋤其豪三弊上言僅報

可擢公開府蘇臺高揚州鎮帥本名賊花門大縱南塘出

駸駸略地窺丹楊公檄要盟尅以日大江鼓浪高崔嵬傳

呼單舸中丞來通侯跽接健兒拜轅門醜酒謹如雷奄兒

翻案水火急副相劉忠出都國人泣彈章并列三賢名劉

澤清附馬阮上疏攻忠介及其三大師弟相隨返鄉邑

同文獄起城社傾興朝帝子安車迎殉國義同高劉死觀

時恥逐姜商生大清兵至貝勒以貂參聘越中遺老六人

逢元其一則寓公一泓清絕寓園水角巾屹然水中止講

學同源幸得人柳橋攜手王元趾公與王正義先生毓著

粒時聞正義投柳橋死日近年講學惟得此人畫江猶子更從戎魯王監國時公

江巢覆孤兒縲紲同故宅幸留施捨後藏書散盡亂離中

承平回首閒居福月榭風亭看不足夫婦清閨品畫詩弟

兄別墅從絲竹夢醒人世已滄桑終古山川對影堂公臨命時

見隔池山色歎日山川人物皆為幻青袍尙志孤臣痛像

境今山川如故而人生又一世矣青袍黃帛長效御府香園名記在誰能續公著越郡園名記四卷平泉

花石鄰家鬻客過還憑礎認亭僧貧只縛籬為屋野菊寒

泉薦一尊魏莊耕稼幾人存當筵莫奏湘纍曲我亦公家

七葉孫太高祖母為公女孫

會龍橋歌在西郭外一里虹橋之南今名會龍堰

慧日閣深撫帝坐相公館客訪奇貨兩龍浴水來夾舟保

長驚呼貴人卧雷奔電睽導客行仙源慶牒稽圖名帖報

新恩得龍子萬歲巷裏愁琴聲一龍飛騰上天去燭影赭

袍挾臨御可憐折斷雙晶蓮墀下殿巖掉頭舞一龍朱邸
開會稽投懷再見雛龍飛嗣皇慶壽放金扇隆國承封曳
玉衣五十年來六更畢大龍枯顱琢饜餐白頭青蓋牽羊
行繞柱龍孫拜番佛鏤簞珠襦散不收雲川碧血幾經秋
誰知龍輶干官衛不及西谿土一抔當時戚里承恩澤衛
王魯國同朝列不堪潛邸問虹橋留與桓谿誇誰楔鄞桓
氏埋宗時建離巢楔
見全謝山鮎琦亭集迎恩門外夕陽斜終古橋痕漾采霞
漁童打漿入東浦指點荒村保長家

柯山紅樹行

旅中閱孟調遺集洛川道中詩云好似
故人團扇畫祇疑歸夢到柯山自注越

纓嘗有柯山紅樹畫扇展念逝者益增歸
思爰演長歌寄沈瘦生瘦生故居柯山也

故人家在柯山曲門外谿流轉寒綠板橋一抹長林西盡
日煙霞看不足山深幾日生秋風樹色盡作臙脂紅斜陽

隔山渲金碧畫屏慘淡開天工平昔看山愛秋旻寫入吳
紈白團扇畫中佳賞誰最同濁酒扁舟載王翰尋君遙指
松扉開破帽風前笑相見第五橋邊詩思多林陰席地共
婆娑年年好景常如此放眼湖山一醉歌遠水遙山入秋
暮多少征途此中去漁舍多依薜荔灣估船偏問鴛鴦渡
皆柯山地名王郎去客嵩汝間余亦勞勞別故山江路雁來知
有夢白雲秋盡幾時還燕雲越樹動成憶把臂王郎忽長
別黃沙落葉滿長安寒日蕭蕭素車出著屐平生定幾回
遺詩讀罷更堪哀分明洛水疲驢道曾得家山一面來遙
憐瘦沈依山住紅到山中幾干樹已是題詩失酒徒扇底
風光更何處何日僧廬返病身綠蘿禪榻結比鄰西頭更
觸浮生慟滿目山陽笛裏人

題峴樵枌東老屋校韻圖

古人取韻緩清濁限方域世儒泥章句音義遂煩數長短
齊人言輕重漢儒讀後出益紛拏圈發逞私欲梁陳講聲
病強以四聲束高貴泉梁武卓識獨破俗奈此風會趨浮
華斲其樸慎倒言下上虛實味秀宿鮑乃切紂紅項改翻
許綠燕說誰爲刊天籟返遭枯北宋家法存近守唐代躅
丁賈皆經儒同志有洙王淑李十卷十二凡部別慎通獨
性繆偶賄孫恂典刑未祧陸字不取類隔文亦參篇玉別
體務蒼萃一音自聯屬雖病雅俗殺尤多形體複觀過宜
知仁多文在富蓄誰歟妄兼并畫部成百六疵議叢劉淵
朔始實文郁金王文郁平水新刊韻略出於正大六年已
并二百六部爲一百六部先於南宋劉淵禧
祐新刊禮部韻略二十四年又上國朝勇復古亭林首張
聲已去採韻亦非始陰時夫也

目十部至廿一研析遞繁縟經子務博證集矢徧吳越入

聲互割配頭脯強接續其意或過通往往見違觸之脂支

必分元魂痕當副無錫與儀徵雅冀古騷復無錫秦文恭嘗以江戴兩

君言元與魂痕當依三百篇析為二真殷當從唐人同用上聲拯去聲證當分出獨用上疏請刊正韻書阮文達取

段氏之脂支羣經楚辭分三部之說欲并廣韻定為古韻廿一部為作古辭賦者之用昌言終未行

習非徒媠媠蒙嘗發狂論吹萬貴抱蜀雙聲本天機造化

具官鱗六書半形聲偏旁不相黷持此兩大端如宗合其

族一掃塵徑蕪兼通絕津軸霓枉分別頗陂免點辱屢

欲勒一書私以詔家塾病癩輟觚翰家貧艱畢牘羨君勤

著述榆陰掩深屋朝夕羅丹鉛雅話盡簞錄簡鍊比治兵

爬梳類折獄卽覘經濟優豈為盤錯衄此圖便千秋雕蟲

等奴僕

孟鼎銘拓本爲伯寅侍郎賦

粲粲孟鼎銘吳

子苾閣學陳壽卿編修

考已備侍郎精古籀抉摘無

遺義我所三摩挲尤在玟琫字

銘文玟王三見琫王

於古

無可徵請更對以意呂伋諡丁公說文作玟諡丁癸本殷

號周人始製諡偏旁隨事增古蓋有斯例唐虞及三代以

玉供神事大夫有石室郊宗詳其制王公當用玉疑非起

後世諡爲作主用加玉所以志此乃真古文干鈞一髮系

寄語一孔儒擣舌莫詫異

說文所引玟公蓋出左傳微福於太公丁公句許氏序言所傳

左氏傳皆古文其所見作玟公也

所貴金石文爲可證故書佚事或朔獲小學猶其餘茲鼎

鄭重言宗周王命孟錫以鬯一卣黻冕車旗俱邦司四百

人僕馭至庶夫

皆銘中語

是當爲重臣何以名泯如成王廿三

祀銘末云唯王二十又三祀以其文屢言文王武王且據

王洪範傳祀此亦傳祀蓋周初尚沿殷時之語則當為成

無疑也警酒資訝謨銘中有無敢配初疑武之穆孟本

可通邗左傳邗晉應韓武之穆也漢書人表以邗侯與伯

子有孟獻伯與叔向同然此述王命豈容以國呼又疑孟

時邗即今山西孟縣也于借唐叔字子于然日祖南公世系難強誣銘中三傳班

表有邗叔時地亦未殊人表又有邗叔在第四等亦當成王之世其人又無攷

傳會滋成愚祝雍與陶叔一例同嗟吁大戴公冠禮云周

傳定四年云陶叔授民二人皆成仰屋徒自笑秋風在庭

潘伯寅光卿屬題小象

走也四載客京邑短筆不到公卿門光祿清流世眉目獨
念僵卧時相存早年文采動天下性分夙契忘寒暄握手

數人足隱蔽神明霞舉何軒軒咸豐季年國事亟共鯁得
政刑獄繁百司汗縮奉教令四夷抵釁窺畿藩僉壬決策
下殿走六龍已駕誰扳援君當車轍讀彈事請斬二豎竿
其元朱游未得上方劍楚瑋已出騶虞幡退焚諫草淚沾
肌蒼梧莫訴心煩冤柳伉疏傳翰林重汲黯身在朝廷尊
乃知法從有真職非徒簪筆稱璵璠昔者宣宗治仁厚
大臣敬禮如友昆太傅廿年長揆席君臣一德情尤敦世
家喬木國所恃相門之慶鍾文孫神羊觸邪豈輕出鳴鳳
應律無凡喧梁洋不聞召陸贄保全終始先皇恩方今天
日正開霽朝局奠定無翳昏君居九列更忼慨白簡上殿
多危言澄清斯世自君責願蓄光采培根源吳生傳寫真
有神致寒冬四坐同春温侍中風貌玉界尺可知峯距侔

崑崙自惟歷落笑桓茂更揣骨相愁虞翻麒麟閣上速起
橐犢轅畫我歸邱樊

自題霞川老屋圖

我家世在城西居翰林吳君爲績圖長安塵沙正眯眼突

兀忽見先人廬二百年來有此屋東南斜抱兩河曲

先宅本臨

橫河後益南關遂俯直河城邊綠樹萬家煙橋畔朱樓百竿竹橫河北

絕官瀆流煙波浩淼無春秋鷗鳧四散不知處鳴榔往往
聞漁舟直河西接錢青水池邇長流百餘里估帆日夜排
檣來豔說霞川一灣綺蓬萊驛路清風多連雲綽楔垂女
蘿會龍尙記前朝事卧虹不絕行人歌先人辛苦一廬寄
舊德清門子孫庇規制樸陋無敢增宗族環居莫輕棄幼
騎竹馬攜短童東眷西眷隨所從鷺鴨時鬧比鄰塾紙鳶

閒趁陂塘風最憶讀書一弓地楊柳臨池滴窻翠擁卷隨
時倚樹吟洗研呼僮捉魚戲我生二十行適燕滄海橫溢
無愚賢馬蕃亦逐賈區盡桑柘一例隨飛煙歸來城郭都
非舊到岸牽船暫相就新豐門巷何處尋安仁故第從誰
售海燕年年繞屋飛夢中圖畫是耶非多情惟有霞川水
日望行人萬里歸

苦雨謠

秋霖積日慘不開太行黯黯愁西積農夫九死補田作坐
看辛苦成汗萊黍子垂頭萬黃粒丈半紅竿颭秫秫方覬
暫飽償積飢詎料垂成委枯銍天公愛物稱無私朝廷盱
食施淖糜天心君心本一體始知災沴民自爲我釜無魚
甌無粟謁鬼不通日炊玉飽看兩腳愁向天豈惟野老吞

聲哭程易疇以黃米為黍其秀舒散者是也北人謂之黍子以高粱為稷其穎竦峙者是也北人亦謂之稷

以小米為梁其穗下垂者是也北人謂之穀子郝蘭泉以大黃米為黍以小米為稷案今京畿人評大黃米性黏作

餅者為黍子其穗頭垂者是也稷則高粱之通稱

桑乾水自樓煩來挾沙橫決如奔雷緡錢告絀外繇困危隄齧齧常奔摧神畿南北一河繞南岸堯危北岸倒積年菽菽晒雨工十室一歸復逃澇我乏羨卒半晦田太倉斗食饗無緣蜚鴻滿野心悄然豈但墨突無炊煙

頑雲缺兌現雌霓雨勢騎月夜益急東榮震裂西栢傾昏巷沈沈萬憂集蓋頭未得三重茅瀧瀧簷雷百竅號四壁股栗撼牀動一鎧危與神魂搖傭書力賃三間屋流潦滿庭帶溝瀆何事復取造物嗔童僕愁冤爨婢哭人生呼吸皆由天幾家高枕能安眠排牆死亦等化耳遽遽安必非

眞仙君不見東華門外火城溼千官陞楯雨中立馬蹏騰
蹕絕淖行漆室遑知有人泣

晚步門外風浪浩然臨流獨立頗有江湖之思成五

言一章

長風吹獨立蒼莽墮邊愁山壓孤村暝城掀濁浪秋奇貧
逢患難多病誤恩讐滿日關河思平分浩蕩鷗

聞故園近日消息傷亂憂家雜成五首

百戰桃州地烽煙亦僅存軍聲桐汭亂殺氣溇湖昏遂失
三吳險空傳萬騎屯專征周奉叔薄議尙君恩

大府傳飛檄鄉關仁被兵愁雲盤故障妖彗掃長城戎馬
鶯花地江湖戰伐聲越山東望近莫使鼓鼙驚

駮絕姚江耗誰詳倡亂因赤丸斫文吏白棒聚州民世變

無完土家危有老親誰令輕遠役日夕淚沾巾
未奏清淮捷天涯阻賊烽雪深三月暮路絕一身窮國事
嗟何及家書杳莫通何時能奉母避地亂山中
細弱全家累辛勤仰母慈夢中憐病弟亂裏念孤兒多難
驚心慣窮居得信遲側身無處所流涕太平時

村居雜感

感念今皇建極初綸言迭下免征輸民頑尙忍連羣盜廷
議還聞斥重租廷臣有請加賦者上不許窮海波濤艱輓運諸方草木
缺儲胥司農可更無劉晏宵旰何時得少紓

桂嶺千盤毒霧多養癰從此潰山河豈真小醜關妖讖誰

使中軍祇雅歌周巡撫之琦鄭巡撫祖琛相繼以名士帥桂管宗澤尙存甯至是

謂林文忠重湘雖險待如何督師忍召鄉邦禍身後還應誓枕

戈謂李
文恭

洞庭千里氣蕭森
殺伐愁連大地陰
上相徒聞馳傳出
全軍已報鑿舟沈
蠻氛日夜蒸江漢
鄂渚風煙閱古今
一片塗膏問誰致
祇應猿嘯答楓林

倉皇直下豫章城
江上聞風潰列營
沔口三旬餘劫火
潯陽九派匯軍聲
元戎已見奔單艦
都護空勞集守兵
約略諸君功罪際
陷疆事重陷身輕

側身天地一登臺
極望東南事可哀
流水自將遺恨下
夕陽無數亂山來
我生不幸值多故
平世猶難容廢材
許國誰能信年少
千秋人惜賈生才

庚申八月感事

海國蟲沙忽刺天
妖氛直射五雲邊
萬金緹庫方懸賞
一

騎皮冠竟執鞭下殿已符南斗識時熒惑入南斗行圍重話北征

年累朝神武聲靈在誰繼車攻六月篇

名王鐵騎鎮沽中太息藩籬指顧空孤注何曾謀寇準籲

留幾見約陳東絕憐滄海橫流速尙想神京拱衛雄東望

翠華應下淚昭陵松柏起西風

五朝神籙翼皇州縱火連宵燭九幽法物盡隨羣盜去仙

山真見萬靈愁不須華髮摩銅狄空使孤魂泣水囚內大臣文

豐投水死羯燄滔天古無此憑誰海上搏長虬

卧病危城日百驚劇憐身死太無名焦頭詎解中朝禍泣

血徒傷下土情九廟鑒觀應不遠諸君功罪豈難明上方

有劍無人請慚愧平陵折角生

和珊士送春詩心字韻

異國春歸客感深烽煙滿目罷登臨茂宏到處能胡語莊
鳥無人和越吟四海倉黃留此日十年閒散負初心草驢
秃尾天街側吹笛織兒莫見侵

雨夜戲效義山無題

畫簾疎雨隔微塵獨夜房櫳易愴神淡墨羅巾鏡畔字小
風鈴佩夢中人難銷碧玉當年恨留得文簫舊日貧除卻
小敷山下路天涯何處更尋春

潭水閒門倒影斜金鋪深掩玉窗紗驕驄日夕偏知路乳
燕春深未定家銀燭慣侵三五月銅壺低隔一分花江湖
側帽填詞客長與年年減鬢華

小別東風不自由香車油壁幾句留難忘玉手舉簾笑誰
遣蛾眉滿鏡愁鶯語畫屏人倚瑟蛛絲小幔月當樓銀河

不信誰相待瀉作瀟瀟暮雨秋
咫尺青鸞便斷聞漫書花葉寄朝雲
鐙前秋扇留殘滴雨
後春衫發故熏楊柳長爲牽恨物
蘼蕪新著懺愁文多應
終古沅湘水翠被蘭舟怨鄂君

夜過皖城作

天涯倦鳥幾時還千里江程未得閒
瓶裏茶香秋浦水枕
邊鐙影皖公山烽煙淮甸猶傳檄
鼓角嚴城早掩關爲想
十年征戰苦至今猿鶴怨刀環

送子縝南還

玉河秋色薊門煙翠黛離愁咽管絃
羈旅中年難作別文章孤唱更誰憐
西風村笛旗亭酒涼月夷花海國船
料得故園重九會登高相憶有新篇

樂毅墓和鄭盦

生合奇兵五國來，死猶埋骨傍金臺。
能軍世盡推騎劫，愛士人惟禮郭隗。
終使客卿淪異地，空傳書語感奇才。
望諸莫表將軍墓，知爲昭王首重回。

閏秋飲集嵩雲草堂池北精舍河南士大夫新築宴賞處也

勝地招邀萃羽觴，麗廈闌檻帶虛堂。
清池水影先浮磴，高柳秋聲欲滿廊。
雲物略存嵩少意，鐘魚猶接梵龕香。
雙藤宰相風流歇，尙有寒松翠過牆。
堂本接待寺地對門爲松筠庵康熙中高念東侍郎寓此庵馮益都相國過之高賦詩有戶倚雙藤梵宇開無人知是相公來之句

湖南山寺門望雨

煙波杳靄接層嵐，遠近行舟盡卸帆。
日暮湖南山下路，滿

天風雨落松杉

傳鐙寺觀章皇御繪宏覺禪師象敬賦

開國當年氣象新補天筆落自通神鳩摩合為真王出俯

視凌煙閣上人

沈曾植字子培號乙盦嘉興人光緒庚辰進士歷官安

徽布政使署巡撫

詩話乙盦治經精小學治史熟遼金元三史西北地
理融通貫串探討所得多出前人畦徑之外詩自宛
陵山谷諸家入而躋其奧不域其藩旁薄鬱積縉性
翰情卓然自闢門庭固近日一名家也昔年題余北
江舊廬圖云舍南薜荔東槐桃上有碧蔭雙梧交慶
厯先生昔寓跡榮陽畫師為點豪長風撼壁雞夜號
起視北極三能高丈夫文字惜時命古賢涕淚沾蓬
蒿機聲鐙影少時夢白馬素冠歸檝悲蕭蕭古寺日
不暉送君握手歸戲欸青龍入墓歲宮厄赤烏下樹
人天知清淇流水日千里尺素亟慰居者思蓮甘蕙
苦憂患共緣轉黃迴變復更步履昔憐阻城闕銜觴
明又數征程游仙且作諸天想抗議無慚諫苑聲我

識卷苑辛苦意注經補史企書成時余方奉先太夫人諱將扶櫬返河北也

曉禽

朝氣動眾禽檐端語啾啾我心感明發起坐與之偕萬籟
戰清秋意車軼埏垓吁嗟做老人蹙蹙行何階徙倚就南
榮陳編強差排古人終已矣來世誠難裁喉舌詎有殊欣
憎邈相乖近前姑婉變視遠皆奇佻故紙諒難綜故言復
何諧冥冥獨歸卧颯颯嚴霜來

日入

日入燭代明軒窗映琉璃交光羅幻影鏡鏡無成虧背舍
有閭虛眾芳斂暝姿微風定香過未見心先知視聽各有
程晦明亦有宜喟然念遽生過闕停車時負杖立廣階西
南望參旗出門視路人各有幽求思摸象盲女愁煎膏智

者悲清鐘鏗寺遠悟了終何之

寒雨積悶雜書遣懷篋積成篇爲石遺居士一笑

寒雲如覆盂漏天不可補曜靈避面久畏客牢鍵戶黯霽
江海蒸溘纏霰霄聚閉關且何事卧聽簷溜汙斷續綴殘
更啞啞輾虛舖失行雁濡翼噤曉雞上距水官厲威嚴雨
師從呂鉅盡收天一氣併作銀潢杼代雲不成馬衛竦空
飲甌河亡九里潤海溢萬家滬南朔相倚伏亢澤不均普
物物固難量賤天奈何許雌風四維來龍具不能禦了無
喁于唱亦不土囊怒翁習慣投隙披拂僅如縷俄焉目中
矚恍若負尸疰老妻頗多智裝棉劑吳楚藏柑燕趙產縮
胸甚飢鼠固知廣川谷實有異寒暑荆南五月來炙熱劇
烹煮伏金骨俱爍秋暴背其腐商飈一洽汰暫得寬腸肚

甯復此愁霖而兼溼寒茹不憂竈生龍將恐血爲蠱橘枳
改柯實蜃爵紛介羽嗟惟人不化何用適風土狐裘故黃
黃掩形不如褚清川浴垢疥焉事資章甫西園蕃草木花
葉故舉舉蠟花實非梅滇茶詎能苦嗟嗟老楮樹占地凍
不瘋旁有南燭實浪稱仙飯糲名雖疏藥錄味不廁菱蒟
鮮鮮若新沐風檻羣媚嫵茲族畏霜乾徼倖且濡滑甯知
膏澤羸蠋蠖益孳乳窮陰未肯釋感頽唏老圃陳君泥滑
滑稅輿踐今雨幽室共槃辟高吟忽揚詡長舒汲古綆高
曠尅敵弩相君筆削資談笑九流敘吾思古時人心鬪日
迎拒程馬蛻形骸杯盤代尊俎莫隨氣化運孰自喙鳴主
開天啟疆域元和判州部奇出日恢今高攀不輸古韓白
柳劉騫郊島賀籍件四河導崑極萬派播溟渚唐餘逮宋

興師說一香炷勃興元祐賢奪嫡西江祖尋畝薪火傳哲
如斜上譜中州蘇黃餘江湖張賈緒譬彼鄱陽孫七世肖
王父中冷一勺泉味自岷觴取沿元虞范唱涉明李何數
強欲判唐宋堅城捍樓櫓咄嗟盛中晚幟自閩嚴樹氏昧
荀中行謂句弦偃矩持茲不根說一眇引羣瞽叢棘限牆
闡通塗成岨晤誰開人天眼玉振待君拊啁嘻寄楊榘名
相遞參伍零星寒具油沾漬落毛塵奈何細字札銜袖忽
持去坐令誦茗人倍文失言詰鄭侯凌江來高論天尺五
畫地說三關撰策籌九府癯顏載火色烈膽執彫虎盪胸
萬千字得句故難住梁鴻瓜廬身禮殿擊鼉鼓滄海浩橫
流中澗屹砥柱可憐灌灌口味肉失脰脯那復問尖叉秋
蟲振翅股懷哉海陵生江草胃柔臍瘡瘡濟陽跛海燕對

胥宇季子踏京華尺書重圭珎太陰沈暮節病叟偏寒女
出口等夜行焉將燎庭炬百憂中繳繚四望眩方所賴君
排偏側冰窟日譴謏消此雨森森蠲彼愁處處天門開詆
蕩曷月日加午城隅卓刀泉中有鐵花黠櫛栝百千株夾
道儼圍籩樊口渺東望松風冷相語千載漫郎游招招若
呼侶東坡眠食地固是余所佇鬱沒老涪僮赭山疇踵武
興來舴艋艇徑欲掠江滸政恐迴颿搥商羊復跳舞

廉家荆浩畫松巒山水障子樊山作長歌余亦繼和
畫中看畫畫非畫高堂颯沓風雲開九百年前冥漠人鴉
叉招得精魂來建標峯如巨靈擘直幹松自秦時栽天紳
大瀑透空下彼豈胸臆填風雷礫礫磴磴碎中怒耳鳴悅
忽驚濤催懸知松根攬危石石下定有龍湫洞滿盈之動

豈無日驪珠夜竊何爲哉荆浩北人山北性清秀不與王
維儕亦掀思訓撥昭道忍將金碧汗巔崖純全山水大冬
氣閉隱道與希夷偕洵洵五季人相食厲有憐王僧話灰
戰塵飛不到蕭寺吳筆項墨隨塗措眞形太行接恆岳冥
寄桃源及天台風雲所通徑路絕若有人兮宅崔嵬固知
圖畫意未盡上方氣已通蓬萊十年江湖困卑溼董生平
遠非余懷長安豈知日同遠岱宗政恐山其頽乾坤干戈
身老病青鞋布襪行靡階投林甘寢幻思夢夢身化作松
根苔

鄭所南畫蘭卷樊山所藏元明題者二十餘人未有
張文襄題詩樊山自題七言長篇一絕句八皆丁
未都中作也

硯光闇脫由拳紙小字凋殘丁子尾尖豪破墨不破水元
是孤臣淚鉛泚昔爲王者九畹香今掃僧殘一錐矣圖中
兩花間九葉左方長短參差七六陵雲黯一星移白雁聲
催北風急右方二葉短復短心在零丁海洋畔可知正統
遠仍存塊肉猶延丙丁算國香零落天之涯國殤毅魄懷
王知南翁儻有南公語本穴嗟當木壞時嘔血總爲天水
碧魄魂常抱凍青枝當門翻恨無摧折祭鬼何妨入鍊持
遺事鄭元祐陳基韓奕各寫精爽何分在朝野吳中先輩謂
文山是在朝道刳心史已瘞承天代舞靈應依亳社滄桑
衍跋中述其語幾度紅羊換長卷珍留清閱玩題詩原是太平年黃閣紫
樞眉壽願十年我輩草間存一老不遺箕尾遠酒闌坐客
重披看若有人兮淚如霰嗚呼舜禹之事盜跖章昔爲狄

晚晴雜言 卷二 十一
滅今梁亡西州華屋渺龍荒馬策餘淚秋淋浪我無橋亭
之視端筴知陰陽亦無西臺竹如意朱鳥有噶空彷徨春
秋不作騷不光蕭艾變化蘭無芳提筆擲筆歌慨慷人間
誰要埋憂地一往牢愁天上寄

題所居曰海日樓終日盤桓不出一室每誦陶公雲
鶴有奇翼八表須臾還之句千載同情有如接席
意之所會卽事爲詩

我性好樓居東窗著匡牀未明得朝氣出地星煌煌坐作
岱頂觀海波浩滄涼真形見暘谷嘉實餐糝桑稽首摩利
支大悲徧諸方鸞駕先日馭鬢雲攝欖槍密語千萬周四
施極羝羊福嚴普沙界兵氣爲慈光

迎日起何爲長生資沐浴霏霏流霞潤飲我初生犢協氣

外蒸濡奇溫中馥郁子珠抱靈根燦燦金華簇裸國薄何
嫌胎兒洗宜育咸池甘石經占此新陽復
安期爾何人得非魯連徒卻秦入東海傳爲列仙儒朝與
青童游暮歸紫府居鏘鏘白鳳皇侍從隨仙輿辟穀亦何
爲食薇不願餘披髮下大荒冥搜宛委書雲氣闕徐市岳
圖付仲舒誰言齊士怪正笑田橫愚南史簡不存長懷一
嗟吁

仁先自杭歸貽龍井泉一瓶

西施本是臣里女我與西湖久睽阻半生長作越流人想
見澹妝濃抹嫵狗兒年冬勇探陟始踏冷泉泉畔路張家
祠樓十日留看盡重湖雪月雨當時奢願游五岳踏破芒
鞋返胥宇稽留山下挂瓢人許我爛柯偕賭墅豈知乾坤

一反覆孰兩東門遽如許有眼忍見林希碑有足誰蹠相
柳土年年穀雨薦新茶空說石泉槐火煮陳無已自山中
來貽我龍泓白牛乳山裏依然竹筧清世上誰知蓼蟲苦
松鱸匏尊聊一舉藜藿腸鳴甘爾汝老夫吟嚙故難醒五
碗通靈空計數樊侯示我列仙詩我自幽篁山鬼處儻騎
赤豹從文狸夢見冬青不凋樹

止盦相國觴同社諸公於敝齋相國與庸盦尙書詩
先成曾植繼作

春風駘蕩來朝氣在巾屨川上逝不留吾生渺焉住平生
五嶽願跋者不忘步屣跡土室中萬象入偃僂身是古莽
民甘寢世無曙羣公排闥入有酒忽成醞有俎雞鶩兼有
籩肴核旅衣冠今四皓朋輩昔三署或拍洪厓肩恣浮魏

王瓠青冥馳野馬迅轡不容馭竹素儻相招焉能閱情語

錄公喟遐想

南朝稱錄尚書事
爲錄公見宣城集

題目此欣遇字說一掀髯

析言勞介甫

逸禮不臺記遺書不師傳逸品畫不聖逸曲琴無絃天壤
廓無際逸者象其先古今邈無朕逸者游其立坐作鯤溟
運立當鼇極掀神依少廣母室在崑崙巔焉識麼蟲聚中
有雷闐闐焉識須羅孔目有刀輪旋埋照不忘照鏡空羣
動前吾方耽逸病放意懷與安鑿齒人且半壺邱鯢有潘
新陽感積悴哀樂環無端庶以長者言將持日車遷酒闌
積絳算優吧吾生觀

霽雪照江邑不能濡海濬餘寒猶滲骨襲我羊裘人秀樹
迴含綠鳴禽亦懷新天光延午景草色晞遙馴花事可蠟

履雨行隨墊巾豈無填海石噫此無懷民夕照散車轍長
煙凌塞氛還將洛生詠付與臨川論

答若海病起之作

吹盡東風江上村剝幡心動不堪論宵行齊鼠狸難捕怪
事巴蛇象可吞憔悴詩人依病榻微茫易意筮歸魂無窮
天地長勤客目斷秦東碣石門

還家雜詩

九服感靡騁我懷良鬱陶憧憧野馬塵送我乘輪飈脩軌
一超忽春光滿江皋黃花菜根味紫花地丁膏五色蠶豆
花如鳴蘭絲勞農宗生民始擊壤成咸韶誰與飭五材禾
邊倚之刀遂使糜爛戰不恤乾坤焦吾里縮吳越風雨憂
飄搖有粟無金湯慢藏盜之招經行揆形要日暮元雲高

二妃洞庭宅三姑泖湖居娥娥天帝女應化爲嫫媿秦帝
吞八極游觀戾海隅東南天子氣劉項先徵歟如何汙長
水株累千囚徒二妃風湘山三姑沈柘湖波濤秦籥合觶
觶頭爲魚吳楚亡國悲靈威爲宣杼邢系出元公神實周
黎餘澤國春水生傳芭會吳歛千秋通肸蠻三戶同喑鳴
我代博士對用裨枕中書王店有三姑廟船往
權部村者以爲標識

水竹交蒼蔚柁移入支涇春陰澹原隰遙見孤花明蠶候
百室靜阡陌希人行林陰見犬卧日午聞雞鳴婦智敬無
曠田更勤得生幸無街彈室不解閭師爭淳俗偶存在兒
童樂柴荆卽此是瀼濱潺潺水樂聲

魏塘池以北漢塘池以東海防來自古內庫外差隆吾郡
南江委谷水蟠其中津渠交地泐隄堰爭人工頗疑馬塘

此則集言圖卷二頁三十三
築實絕分江通從茲南紀絕桑酈言皆窮燕齊填九河嬴
氏湮三江所以山海間處處留秦蹤毋以仲初記上揆神
禹功吾將咨海若一往皆曷空

荒草春茫茫言尋大夫墓兩海風馬牛魂歸自何所散民
怯公戰矯以鶴軒拒懿公死社稷玦矢志先諭傷哉空國
走不見輿尸旅刳腹作黃腸呼天心獨苦有臣乃若此足
以知其主衛國君臣乖十世餘殃注亡虜幸偷生有言皆
糞土萇宏血在蜀精衛翔漳渚神化妙難量吾言公儻許

衛宏演墓在縣西
南與余家墓近

元季九州沸吾州獨安甯濮川叢桂枝雅詠琴清英景德
錄僧卷金蘭有友聲顧徐孫卓陳卜宅皆賓萌山紀貝家
宅谿環仲孚庭淮張死不怨謠諺觀人情地理有變易徑

涂入夷庚戰士負羽守兵家扼吭爭崑崙細柳營月波夜
淒清昔者樂郊語今茲劫基征儵樂豈無戀鵲枝依復驚
愧無孫叔智甘寢息郢兵長爲越流人跼顧重行行

汝南雞初鳴危棲俯平野夜氣靜濛濛潛陽伏其下纖阿
西未沒曜靈東將駕晦朝苟非會易象安從寫稽首觀世
音將無金母假陰陽卽空有一異焉存者吾老學弇州文
身久當捨寶華有天女願炙曇陽輶

來躅循未徧去輪展方適居家翻若客兒去翁難留頃刻
薔薇花舒英送行舟杜鵑如惜別一雨皆垂頭後閣待支
楹前圍計開疇貽書慰老友來月前煎茶謀卽事有增益隨
緣共綢繆吾生託性海安往非虛舟

乙卯五月重至西湖口號

來趁西湖五月涼，憑闌盡日醉湖光。
聖因寺古佛無語，一杵殘鐘搖夕陽。

聚散由知有定緣，故人重見各悽然。
觀河莫話波斯面，已隔風輪五百年。

苧蘿人作拂菻妝，爲借曇雲掩淚光。
解道夜山元勝晝，不須朦懂怪襄陽。

老人濟勝已無具，客子登樓還有情。
寄語葛仙休悵望，騎牛或恐有來生。

簡西巖老人

海日樓頭倚夕陽，春秋直爲蠅蛄忙。
遠人如杌忽移樹，深草隱花微度香。
水位星搖占害氣，金神氣伏避炎方。
奇肱刑德非無意，會與閻昭一審詳。

炎宵無寐夢無家強倚櫺軒待曙霞病眼觀空增矐睜文
心失侶不雄誇飛來白鷓傳書簡想見蒼龍潑茗花獨樂
襟期隨地在吟懷應爲晚涼加

再疊前韻

寥天一去入寥陽翻覺雲居數劫忙法樂靜時常在耳鬢
花菱後別生香仙家上法通三世月地中庭可一方晚歲
王官無箇事合將詩品更斟詳

斷虹下飲川中水高壁明翻波底霞散卓筆書毫最適吉
祥車挽穩相誇心鐙電續光明綫意樹詩催頃刻花今夜
月圓誰與望影池苕藻想交加

一山過談

剛腸薄俗兩迴瀟天與詩人鉛汞牙堅壘書城劇攻守撼

風大樹增盤拏爭枝俄然墜啅鵲高枕不聞唳曙鴉道人
心是不灰木活火與潑陰林茶

日日

日日闌干望寥寥節序違雨林沈鶴井潮步漲鼃衣樂府
劉生詠春秋鐸氏微餘年更無夢萬事不如歸

芳草

芳草萎已盡王孫歸若何夢天甯有使槁葉尙憐柯水相
觀浮世蟲聲咽挽歌橋邊搖落樹祇是白楊多
閒階成躑躅曉坐一嘆申寒日光明薄頽波變轉新參方
稱幻寄嘯侶得畸人芋栗秋當熟階除烏雀馴

老友馬季立孝廉挽詩

故舊隨流水山川黯夕陽儒風於世盡經苑喟人亡懿子

媵修素翻來講肆翔高齋憑楚望篤論警梁亡大義甄劉
賈前聞總趙汪情能綜五例詢或迨三商荀況居齊久顏
先愍楚傷飄零仍祭酒孤憤鬱中腸一紙傳郵寄千言砭
俗剛白頭逢異俗素願誦同方豈意晨星散俄然宿草長
赴來鄰笛斷哭罷寢門涼庾令江樓換文翁石室荒蟲沙
時共化麟角學誰昌紀叟聾焉在曹褒視益茫悲來借五
噫怨極對雙王渾沌無愚智乾坤積痼瘡一哀回白首來
世更何彰

梁鼎芬字星海號節庵番禺人光緒庚辰進士改庶吉

士授編修歷官湖北按察使諡文忠有節庵遺詩

詩話節庵早歲登第以論劾合肥罷官年甫二十七
士論稱其伉直晚以南皮疏薦復起壬癸以後徵侍
講幄瓊樓重到金粟迴瞻棋側芬芳溢於篇什嘗自
言我心淒涼文字不能傳出遂焚其詩今茲傳刻蓋

其儘
餘也

齋中讀書

聖人去我遠存者六籍紛遺跡非口授後生觀甚勤往往
一師說反復萬口云吾聞易蠱象育德而振民苟徇所不
屑戈矛已相因前有千年書後有萬載人何以立天地上
答君與親願持白日心光明照星辰
爲學如登山來萬陟者僅徐行必無躓闊步不到峻所蔽
有厚薄開塞豈由刃荀卿善言解性惡惜未慎剛決與果
敢道乃日月進仁義奉孔孟耿介尊堯舜悠悠總不濟百
年亦何迅

贈徐賡陞

足繭風塵鬢有絲政行井邑口成碑眾人欲殺我何忍作

吏能狂斯已奇枉使到都稱酷吏愧推王弼作經師驅讒
雪謗終何補不待他年負子期

出都留別往還

淒然諸子賦臨歧折盡秋亭楊柳枝此日觚棱猶在眼今
生犬馬竟無期白雲迢遞心先往黃鵠飛騫世豈知蘭佩
荷衣好將息思量正是負恩時

佳人

閨風縹馬竟何年吹徹參差下眾仙公子歸期春水後佳
人情緒夕陽前碧芳傾盡痕猶溼紅燄飄殘夢尙牽渺渺
天河幾回顧自舉簾箔數星躔

桃弓射鴨儘蕭閒縹緲仙居紫翠間不盡情懷隨逝水更
無謠詠到深山夕張瑤瑟憑招月朝索瓊茅自閉關蕉萃

沈郎初病起肉芝應爲駐年顏

同徐鑄訪七星巖石罅祖龍學題名作長歌

秋風動地潭水枯清游載酒子與吾笑談已過艾塘外回

見村屋皆畫圖紛紛姓氏滿巖洞周書元寬博包書肅癯

范陽擇之亦至此博陵崔子相馳驅巖內先有博陵崔之才祖無擇至此皇祐

二年仲春十三日二十一字更聞石罅字未滅蘇齋有紙不得摹春洲

畸人始尋見著書且補儀徵無我今麤猛仗心膽子復英

特少髭鬚巉巖共向仄徑入鞠躬恍若公門趨余生世途

每寬坦到此真覺形體拘手捫苔壁引蛇沫以火斜燭相

叫呼分明七字魯公體崔之才祖無擇題銀鉤灑落瓊枝腴回身

小立若有會追憶史乘微歎吁公昔從游泰山下要埒守

道兼寬夫抗言衍聖定百世袁州啟學繁生徒臨川柄國

枉人罪酒瓶三百輕召辜惜哉不遇張子厚流竄德慶成
冤誣遺文煥斗集名穆修派手力儻可分開洙此官雖鄙奚
足貴方寸蕭散誰能逾題名山澗知幾處大雲銅石羅浮
俱他年同著幾緡屐盡收寶刻當瑤瑜

端居賦興

閨庭雨過晝添寒柳竹青蔥俯一欄漸與世疏文筆放偶
緣春好酒杯寬石脣苔潤初安日水面萍分獨下竿惟有
佳禽笑多事中年心意未闌珊

重至長沙寫哀

浮世蓬根不道憐秋懷到此更追牽再尋舊巷悲回轍獨
泣愁春淚徹泉報國未能伸志事沈湘空自夢嬋娟剪鐙
暗記當時話身是孤兒十九年

寒夜獨謠

寫入幽通黯一鐙
神人髣髴事何曾
月明深巷疑聞豹
風肅清簾不到蠅
久別花枝憑夢折
無多酒力帶愁勝
年來莫溯心中語
何止籬間嬾媵藤

讀韓致堯詩感題

曉來微雨較春寒
詩愛冬郎盡日看
亂世崢嶸詞反豔
暮年蕭瑟事初完
鶯囀幽獨看看盡
馬走煙塵寸寸擘
鳳燭百條同一淚
今疑紙上未曾乾

誰識天心久廢商
殿前執手暗沾裳
從亡盧植會河上和
韻吳融竟異鄉
花好似忘春已去
塵飛真恐日無光
由來宦者傾人國
錯怪唐家白面郎

同張琳論事談詩有贈並送歸省沅江

微雨灑清晝閒芳照孤館平子實通士兀特又夷坦暫親
冰雪寒久坐布帛煥竦身順所止繡蘭堅不損追陪有幾
日舍我一棹返千里庭闈心此官亦閒散余情似飛絮共
汝江海遠勿須怨桃花貧女嫁常晚

樊川龍豹姿不偶温李洽扶持萬代人吐詞最英雅吾生
膠夙好豈惜諧者寡昨宵論詩派同志無厓厓罪言虛上
策空有淚盈把世味區蘭猶人才見玉瓦蒼茫百年事恨
悵不能寫

得伯嚴書

千年浩不屬君乃沈痛之神思可到處纒纒通其詞窮山
何所樂予心忽然疑試君置我處魂夢當自知把書闔且
開情語生微漪出見東流水湯湯將待誰

江船遇長沙曹刑部 廣楨 贈詩

昨舍故人歸山庵路逢曹子披塵函欲澆江水瀉智慧一
雨飄落舟中嵐手持賢兄好文字辨章學術窮其探前除
回穴啟真祕使我有舌不敢參論仁特采東塾說薪火何
止傳湘潭菊坡精舍別來久夢中楊柳空鬢鬢大師不再
下無學妖狐晝出言二三後生少年嗜鬼怪經義新說青
於藍本心已昧非可懼亂流旣甚誰能戡我惟造聖祇一
軌不到真處皆空談李固可冤季長譚彌遠不罪西山貪
時危致君竟無術便有書論徒面慚千年耿耿挂心目自
恨霜灤旋羸驂江山大好正堪隱誰與百戰湘人男時平
豪傑不足數曷哉吾子視所擔

贈侯官沈瑜慶

沈郎都市初相識不待文章發英直虎豹斑斑風矩存
有
才獨俊無淪則乃翁知國出威名旌旗不動羌胡驚異時
霜鬢四海見獨瘞幽恨誰能明生時未接春風坐神儀想
象君其頗江南百姓最知恩今見行驄淚猶墮直須清節
表時流莫令人世說蘭猶君不見龍圖文武心鐵石萬口
爭傳范慶州

光緒三十三年十二月乞病紀恩

多病光陰負罪身天恩今許作閒人堂堂千載蹉跎去了
了餘生涕淚新草木力微安得療江湖心遠更相親衰年
那有酬知日歸種山田算一民

半山故宅

題詩武庫至英雄變法君臣意所同琴瑟不調原可換蘭

猶未別自難終推公賢復惟迂叟歎世因循有晦翁遺宅
荒涼共追弔紛紛兒女鬧村叢

壬子春怨

桃花避世認前身誰謂尋芳是路人撩亂林亭門外騎清
寥池館雨餘春華年倏去瓊簫恨冷月空來寶鏡塵獨抱
素琴宮漏歇淒涼鳳翮共龍唇

紅梅何事有雙身永夜孤心不寐人病馬雪寒猶戀月流
鶯天暝卽爭春情中劍首輕吹映劫後琴心忍作塵玉女
邐迥還在側雲璈奏罷慘蘋唇

露滴鸞衣窈窕身香成終有返魂人微薰花色頻看日將
盡鐘聲不貸春玉合收時存夢影瑤笙散後愴音塵天荒
地老相思淚化作春潮嚙石脣

暗雨殘燈共此身深閨微歎更無人野塘芳杜先侵水市
窖唐花竟奪春電火乍飛鸞墜影林風忽過燕驚塵玉驄
一去歸期杳匝月蘭醪未染脣

樹老圍荒藤繞身雙扉今啟久無人咬花錯引金鈴犬竊
藥爭尋玉洞春草際鹿蹤知暗路雪時鴻爪惹纖塵題紅
自笑誰曾見多事琴僮一展脣

王檢討

閩運

回湘賦別

爲憶江南亂後山飄然巾笠往仍還百年心事看殘照一
代文章有要刪杜本谷音吾所屬黃衷海語若相關崇陵
片石歸裝穩頭白臨分淚對潛

寄懷王祭酒師平江經舍

書副傳聞在岳陽黃巾尙愛鄭公鄉閉門得禍知將亂辟

地全軀祇自傷
玉石焚餘還有
火衣冠氣索恐
無陽門生
垂盡從溝壑
執管何時上
禮堂

晚晴移詩匯卷一百七十三終